

MALAILILE AA MBUNGANO



Awa, mbobuti mboi lizya—lizya? Iiyi, uh huh...?... [Kabeela katakwecintu aa teepu—Mul.] Kolibambila kwaazima. Mpawo, cindi, Nda gunya mutwe wangu kuli nduwe, mbuli *boobo*. Wabona? Wabona? Ma, ku gunya mutwe wangu kuli nduwe. Uyo. . . [Umwi wati, “Nciindi nzi nco yanda kuti ndi cicite?” Umwi wati, “Wa amba kuti, ‘Ko italisya lino.’”]

Mukwesu, twa ita muswaangano oyu antoomwe okuno sunumasiku ku bukanze bwa kuziba nzila mbo kweendelezegwa Mbungano ya Leza muumi, eyo, njo tu syoma kuba cibeela ca Mbungano eyi.

² Ndi yanda ku, cintu cakusanguna, Ndi yanda kwaamba kuti mu nyendo zyangu kuzinguluka inyika, mbuli kuciimo Mbwe zyi, obu mbo bumwi bwa masena aakumuuya maningi oko mumvwa Muuya wa Leza kwiinda busena bumbi buli boonse Mbwe zyi. Nda kajisi masena obilo mu muzeezo wangu akali obo, pele kuciimo ta—ta tuboneki kubona masena ayo; bumwi bwa ngawo bwa kainka mu kabunga, a bumbi bwa—bwa kabaanga bwakawa.

³ Aboobo Nda kaliitidwe jilo elyo ndaka—ndaka ambilwa kuti nyoonse mwakali kuyanda muswaangano wakundi buzya mibuzyo eyi ijatikizya malizi anu mu mbungano eyi, elyo Nda. . . nce ncico Nceli waano sunumasiku, nku. . . elyo ku—ku bamba mbungano, na kumupa zintu ezyo nze Ndi yeeya kuti—kuti eci ncipati ku kubamba mbungano kuya kumbele.

⁴ Bakwesu, Ndili masimpe kuti mula mvwisya obo, mbuli mbo Nda bamba obu kujatikizya busena obu kuba bwamuuya. Ta buli busena bwiinda kukomena mu inyika, alimwi takuli kuti tu jisi kwiimba kwiinda, kukwiila kwiinda, koongolola kwiinda, na kwaambaula mu myaambo kwiinda, a zintu, tabuli mbubo, pele mbube bubotu bwa Muuya oyo ubeleka omuno mu cikombelo. Elyo, kuciimo, Ndi yanda kulumbaizya a kulumba Mukwesu Neville, a—a nywebo no bakwesu okuno, basyomesi, a bamadaikona, mweendelezi wa zikolo zya Munsondo, a boonse, kuli—kuli ceeco nco mwakacita mukugwasya kubamba eyi nzila eyi. Wakali ngo mupailo wangu kwa ciindi cilamfu, a kuyandisisya kuzwa nkecili mulombe, kubona mbungano kubikwa mu malailile a kubambwa mu malailile.

⁵ Lino, cindi notwa katuula mbungano, Nda kamwaambila, “Ii kaindi kaniini nikakainda Nda kajisi cintucimwi cakwaambaula kuli ndinywe kujatikizya,” obo mbo kubikkwa cintu eci mu malailile, anzila mbo ceelede kweendelezegwa. Elyo mwaka talika. . . kumane kuzwa awa, twa kajisi bakutausi a bamwi bambi. Pele lino, Mukwesu Neville mukuba buyo

muniini akati kesu, wakaboola akati kesu, Nda kayeeya inga cabota kapati ku Mukwesu Neville watonkomekwa kabotu mu Lusyomo Nke tana tondezya zintu mbuli nze Ndi tandila kucita lino. Pele lino, ni Nda manizya kujana kuti uli mukutonkomekwa kabotu mu Lusyomo, akumvwisya Njiisyo mbo ibede, alimwi—alimwi wacita cibeela ca kamboni uusyomeka kuli Kristo a kujatilila kuli boobo mbo tu syoma kuba Bwini, Ndi yeeya kuti lino nde oora, inga caba ciindi cibotu, ku mulanganya mu ci. . . alimwi akati kanu no baalu a zintu okuno zya mbungano, kuti mu bweze malailile a kwaayeeya, mabotu kwiinda ku luzibo lwangu kumbele lya Leza. Elyo mpawo Ndi langilila kuli ndinywe kuti muzwidilizye zintu ezi mbuli mbo Ndili mukuzyaamba, nkaambo umwi muntu weelede kuba mutwe kubusena okuno. Nywebo mweelede kuba a . . .

⁶ Lino, Nse soli kulangila aamutwe ku bweendelezi na cintucimwi mbuli ceeco, pele, nywebo mwabona, muntu na kufumbwa cintu cijisi mitwe yobilo kuli ncico, ta—ta cizyi mbo kweendwa. Leza takwe naaka jisi mitwe yobilo ku Mbungano Yakwe, Ta akwe naka cicita, walo mutwe omwe. Wa kabeleka mu nzyalani aimwi mbubonya mbo twa kaiya kwiinda mu Magwalo, lyonse kuli mugame omwe oyo Ngwa beleka awe. Nkaambo mwa bweza bantu bobilo, mula jana mizeezo yobilo. Elyo ceelede kusika ku cimaninizyo comwe camalekelo, cimaninizyo cangu ndi Ijwi, Bbaibbele. Elyo mbuli mweembezi kuno wa mbungano, cimaninizyo cangu ndi Ijwi, alimwi Ndi yanda. . . Ndili muzi, bakwesu bangu, mubaanga mulanga kuli ndime kuba cimaninizyo canu ku cintu. . . kufumbwa kuti Nke tobela Leza mbuli Paulo wa kati mu Lugwalo, “Amu nditobele, mbuli Mbwe tobela Kristo.”

⁷ Elyo mpawo inga Nda langila ndinywe bakwesu, ku ciindi cili coonse awo mwa ndibona kutantamuka kuzwa ku Lugwalo olu, kuboola kuli ndime cakumbali a ku ndaambila awo Mpe lubizizye. Ta ndikwe makani na uli umwi wa basyomesi na i. . . na uli sikulanga mayake, kufumbwa mbo bedede, ula bulizi kuli ndime, mbuli munyina muli Kristo, ku ndaambila cindi Nda lubila Camalembe. Ikuti na kuli mubuzyo, atu kkale ansi a kuubamba, antoomwe.

⁸ Elyo nkekaambo nko mwasikila, Nda yeeyela, kuli ndime sunumasiku, kandileta mukati muno, nkaambo kakuti kuli mibuzyo okuno eyo iboneka kubuzya mu muzeezo wanu ku zintu nze Ndi jisi—jisi okuno. Lino amuyeeye, bakwesu, Ta ndizi. . . takukwe mazina asainidwe a zitupa zyoonse ezi, pele. . . elyo alilembedwe, alimwi Ta ndikonzyi. . . nse bazi abo baalemba, pele mibuzyo eyo ku muzeezo wanu, nkabela Ndi waano kuingula ku bubotu bwiinda bwa luzibo lwangu.

⁹ Elyo amuyeeye, Leza ulangilila kuli ndime kubona kuti Ndi kkede mu Ijwi. Elyo Ndi langilila kuli ndinywe kumubona kuti mwa zwidilizya Ijwi, mwabona, mwabona, mu mbungano

eyi. Amwi ibambe ibe ya kumuuya, nkambo, amuyeeye, inguzu zyoonse zya—zya bwami bwamudima bwa Saatani buyo mulwana mbuli mbo mutalika kukomena mu Mwami. Elyo mweelede kuba basilumamba, kutali buyo basikunjila bapya. Muli basilumamba bakakomena lino, alimwi bakayiisigwa kulwana. Elyo Saatani uyo boola akati kanu, kumubamba kukazyanya kuli umwi aumwi na wa konzya. Amu mukakile buyo kumaninina mpoonya awo; muli babunyina; elyo ngu sinkondo. Elyo tuli waano kubamba ceesyoy mu ciindi eci ca Mumuni waku mangolezya, kuti, cindi inyika yasizigwa mudima a bwami boonse bwa mbungano bwiinka mukati ka Nkamu ya Mabungano. Elyo calino loko bayo sola kubikka citondezyo a mulyango awa, “Wajalwa!” Elyo mpawo tuyo elela kuswaanganina ku masena ambi, nkambo cancobeni bayo jala mabungano aya bumwi bwa mazuba aya kuti na tatu bwezi cando ca munyama. Elyo tuya mina kukkala cakusyomeka kuli Leza mane lufu luka twaangulule, eco nce ncico nco tukanzila kucita.

¹⁰ Lino kugama ku...Elyo Ndi yanda kulomba, kuti kufumbwa cindi cakati cimwi ca zintu ezi caboola kubuzigwa, kuti teepu eyi inga yalizigwa kumbele lya zizo zya mbungano eyi, mwabona, ku miswaangano yanu, na kakutanaba muswaangano, kautana talika buyo muswaangano. Amuyasye teepu eyi a kwiilizya! Elyo akube kuti mbunga kuno imvwisye kuti aba baalumi bala bulizi kuli Leza, mbuli kukonkezya kwabo mu mbungano eyi, ku kugwasilizya kuzwidilizya milao eyi. Ambweni inga kwaba kutazuminana a mbabo; alimwi na Nda mulekela kuyeendeleya, mpawo inga Ndi yooba akutazuminana a ndinywe. Twe elede kuba akutalikila amwi awo aeledede kuba mbaakani. Elyo mbotu kwiinda eyo Nje zyi, Ndi kupa kwiinda kubweendelezi bwa Muuya Uusalala, kulekela Nguwe kuba Mbaakani yangu. Elyo akube kuti teepu eyi ibe mbaakani yanu ku mibuzyo eyi.

Lino, mu taanzi ngooyu:

220. Mbotu mbungano mboiyo cita kulanganya lwiito lwa lugwasyo lwazyamali izya...lwa cakulya a zyakusama? Ino—ino mulimo, ino—ino mbungano yeelede kucita buti?

¹¹ Lino tula mvwisya kuti mbungano ijisi mulimo kuli bayo, ku mamembala esu okuno aa mbungano, tu jisi mulimo umaninide kuciimo mbuli mbo tu jisi ziyandika ku bapa. Tu jisi mulimo kuli besu beni, nkokuti, mamembala, a cikombelo eci azumanana kabotu kuboola okuno a kukomba andiswe. Tu jisi bulizi kuli mbabo, mbuli bakwesu a bacizi besu abo bakatondezya kuba mamembala esu aa ku bungana oku.

¹² Lino, tula mvwisya kuti kuli bali tuulunzuma sunumasiku bata jisi cakulya, bata jisi zyakusama, elyo inga twa yanda ku konzya kugwasya nkamu yoonse yabo, kucita zintuzyonse

nzyo tu konzya; pele kuciimo cazyamali ta tukonzyi kucicita, ta tukonzyi kugwasilizya inyika yoonse. Pele tu jisi bulizi kuli besu beni. Elyo Ndi yeeya kuti, muli ceeco, elyo mpawo ikuti na tuli jisi cintu cili coonse cakasyaala eco nco muyanda kusanga ku bantu abo batali mamembala okuno ku mbungano eyi, cintucimwi ncomunga mwayanda ku bapa, ceelede kuzuminanwa akati ka bamadaikona.

¹³ I bamadaikona mbe mbabo abo—abo beelede kulanganya kuzundikizigwa oku, na penzi eli, mubwini; nkaambo kakuti mu Bbaibbele cindi kuzwangana nikwa kacitika kujatikizya cakulya a zyakusama, a zimwi zimbi, mu Bbuku lya Incito, bakaita baapostolo kujatikizya nzizyo, elyo ba kati, “Kamuya muli yandawide nobeni baalumi bali ciloba bajisi mpuwo mbotu, a bazwide Muuya Uusalala kutegwa balanganye zintu ezi. Nkaambo swebo tuyo zumanana kulipa ku Ijwi lya Leza amu nkombyo.”

¹⁴ Elyo tauli mulimo wa mweembezi wakulanganya kuli i...kuli zyakulya a zimwi zimbi. Oko kweelede kucitwa aa bamadaikona. Ta bali basyomesi, ndi ofesi lya bamadaikona lyelede kucita eci. Elyo mpawo eci ceelede kuba... Amuyeeye mu Bbaibbele, bakali kusangila babo beni, ba Griki a—i a ba Juda, oko kukazyanya nko kwakacitikila nkuti umwi wakali kujana kuniini kwiinda umwi, pele bakali bantu abo bakasambala lubono lwabo loonse a kulupa mu mbungano ku kugwasilizya kwayo, elyo mpawo ku—ku kwaabaulwa akati kabo cakweelana. Elyo kwakaba kuzwangana kuniini akati kabo kwakacitika, elyo mpaawo mpo twa kajana bamadaikona besu bataanzi. Elyo oyu ngu umwi wa milimo yabo, nku cita boobo.

¹⁵ Ndi yeeya kuti, mbuli besu beni, mbuli bantu besu beni, twe elede kubalanganya. Elyo ceelede kunjizigwa, tongoosi lili lyoonse, kuli sicuuno wa nkamu ya bamadaikona, elyo mpawo kweelede kuzwidilizigwa kwiinda ku nkamu ya bamadaikona a kubona eco nco bakonzya kucita kujatikizya nkuko. Elyo ku zintu ezi zyoonse kujatikizya zyakusama, a cakulya, a lugwasyo lwazyamali, na kufumbwa mbo cibede, ceelede kuboola kwiinda kuli bamadaikona. Mpawo bamadaikona, cindi balo basala kuti bala—kuti bala... nco bayo cita kujatikizya nkuko, mpawo kweelede kuletwa mpawo ku i—i muyobozi, kubona ikuti na muyobozi ula konzya ku ciindi eci kupa mweelwe oyu umwi wazyamali, na—na kuula zyakusama ezi, na kufumbwa mbo cibede kuli ceeco. Pele i—i nkamu ya bamadaikona yeelede kuswaangana kuli ceeco, alimwi ta ciinki ku basyomesi na ku mweembezi. Ncintu ca bamadaikona, kumaninina.

Lino, mpawo, mubuzyo wabili.

221. Sena kuli zulide kukanana kuzwaku cikambaukilo caantagalala kuti myaambo a bupanduluzi zyelede kucitwa mu muswaangano kakutanaba kuswaangana?

Oyo ngo mubuzyo wabili aacilwi camapepa ayo Ngwe jisi awa, kalo nka kkaadi kaniini.

¹⁶ Lino, oyu inga wajatikizya ku mweembezi awa, mwabona. Nkaambo walo—walo, kakuli, ngulanganya cibeela cakumuuya, ngo mutwe wa ceeco. Bamadaikona mbasilikani mu mbungano, kubamba malailile a kumamela zintu ezi, a kusanina bacete, azimwi zimbi. I basyomesi balanganya zyamali a buyake; nce ncico nco beelede kumamela. Pele mweembezi ulanganya a—a kulangalanga cibeela cakumuuya, nkabela oyu inga wanka kuli nduwe, Mukwesu Neville.

¹⁷ Lino, kuli...ciindicimwi cainda cindi malailile na kabikkwa, mbungano. Ndila syoma mu kwaambaula mu myaambo, a bupanduluzi, a zipego zibotu zyoonse zyakumuuya zyaanza aa Leza kuti zibe mu mbungano. Pele tu ponena mu buzuba mbubonya mbuli mbo kwakabede mu ciindi ca Bbaibbele, oko mabungano...Lino, amulange Paulo, wa katalisya mbungano ku Efeso, mbungano ya Baefeso, yakali mbungano yakali kusitikizigwa kabotu. Sena mwakabona? Tu syoma kuti Paulo, a kwaamba boobo mwini, kuti wa kaamba mu myaambo minji, alimwi tu lizi kuti wa kajisi zipego zya myaambo. Kutali nja kayiya, pele ezyo zyakumuuya zyakapedwe kuli nguwe, nkaambo ula cikanana mu Bakorinto okuya. Elyo mukuvuna ciindi, Ta ndiko vununa buyo mu Bbaibbele a kucibalila ndinywe, nkaambo inga ciyo bamba kukkala kwesu—kwesu okuno kwa ciindi cilamfu sunumasiku, mbuli Mbo ndita jisi ciindi cinji. Elyo lino...pele kutegwa buyo mubone cantangalala.

¹⁸ Lino, Paulo takaamba neciba ciindi comwe ku mbungano ya Baefeso na ku mbungano yaba Roma, na kufumbwa imwi ya mabungano ayo amwi, kujatikizya zipego zyabo zyakumuuya, kujatikizya nzila mbo zikonzya kubikkwa mu matobelanwa. Pele wakaambila Bakorinto cakuzumanana kujatikizya nzizyo, nkaambo ba kacibamba penzi ciindi coonse. Elyo Paulo wa kati, cindi naakasika akati kabo, ikuti na bakajana kuti umwi waka jisi mwaambo a umwi waka jisi ntembauzyo, elyo wa kalumba Mwami ku zipego zyabo zyoonse zibotu a zintu mbuli zeezyo. Elyo ikuti na mwalanga mu cipati citaanzi na cabili ca Bakorinto, Paulo wakali kubaambila, cakubusena bwabo, obo mbo bakali muli Kristo, obo mbwa...ba kali bikkidwe cakubusena bwabo muli Kristo.

¹⁹ Mpawo nakamana kubaambila, mpawo mbuli muzyali wa katalika kubanabba, a kwaamba, “Nda kamvwa kuli mipampomipampo akati kanu, alimwi Ndi mvwa kuti mula kolwa ku tafule lya Mwami.” Ta akwe naka balanganya kuti taba jisi bunakristo; nkabela mutaciti eco nywebo bakwesu, muta balanganyi kuti taba jisi bunakristo, pele ni nzila mbo balilemeka mu ng’anda ya Leza. Mpe mpawo mpoicibede.

20 Lino, inga Nda amba ceeci, eco mbuli Paulo wakale wa kaamba, kuti, “Cindi mwabungana antoomwe, ikuti na umwi waamba, akube kuti umwi apandulule. Na takukwe sikupandulula, nko kuti kouwuna. Pele ikuti na kuli sikupandulula. . .”

21 Lino, Nda kailangilila mbungano okuno, elyo Nda kamubona kamuya bukomena, alimwi Nda kabona zipego zinji zyakumuuya kazibeleka akati kanu. Mukasimpe, cimwi Nda kacita kusika ku Mukwesu Neville kujatikizya Ijwi kuzwaku Mwami, ku mululamika ku cintucimwi eco ncaakali kucita.

22 Elyo ikuti na Nda. . . ikuti na Mwami ujisi. . . I Muuya Uusalala waka ndibamba kuba mulinguzi wa Butanga, nkokuti mbulizi bwangu bwa ku mwaambila Bwini. Elyo Ndili lumbide maningi ku Mukwesu Neville, wa kaswiilila ku Bwini. Ndi konzya buyo ku Ca amba mbuli Mbwa ndaambila.

23 Lino, ali ceeci, mbuli Mbwe kazibisya mbungano yanu kaikomena, a kwiizibisya. Elyo mu mbungano, nje nzila eyo mbo twa kaijisi lutaanzi, alimwi eyi nje nzila mbo twi—twi iyanda alubo.

24 Lino, ikuti na tamu langilili, cindi bavwanda. . . I cintu citaanzi muvwanda ncacita nkusoleka kwaambaula kakuli ta konzyi kwaambaula. Mwabona? Ula panga kubbabalika kwaamba kunji, a coongo, a—a zimwi zimbi, pele uyeeya kuti uli buyo. . . ula konzya kwaambaula kwiinda mukambausi ku ciindi eco. Ee, tula jana eco kutali buyo mu buumi bwakunyama, pele tula jana eco amwalo mu buumi bwakumuuya. Ngu umwi *muniini*. Elyo ikuti na wasoleka kululamika muvwanda oyo a kumubakula aniini nkaambo uli “mukuyabuya” a kusoleka kwaambaula, uyo munyonyoona mwana. Mwabona, alimwi uyo mucisa. Elyo ncibotu kulekela muvwanda oyo kukomena aniini mane wakonzya ncobeni kukanana mabala akwe bweelede, elyo mpawo kumwaambila *cindi*. “Kutali cindi taata naambaula na cindi baama nibaambaula.” Pele eelyo canooli ciindi ceelela, abe a kwaamba kwakwe. Sena mwandi mwisya? Lino, aambaule canooli ncindi cakwe ca kwaambaula.

25 Lino, ikuti na Nda sola kuba cintu cili coonse cakali cisongozyo mu nyama yangu, kuya mu muswaangano, muntuumwi kubuka cindi Ne kanana elyo mpawo kupa mulumbe mu myaambo a kumwaya Muuya. Nda kazwa calino buyo ku muswaangano mu New York a masena aindene oko bakutausi nko balekela eco kuzumanana, ciindi a ciindi, alimwi tacili cintu pele—pele lupyopyongano. Mwabona, cindi Leza anoobelega nzila yomwe ya muzeezo, Ula. . . inga caba—inga caba. . . Uno zunda bukanze Bwakwe Mwini, ikuti na Usola kuleta nzila ya muzeezo kuli nduwe, ku mbunga, ku bamba lwiito lwaku cipaililo nkabela cintucimwi canyonganya.

²⁶ Kupa mukozyanyo, mbuli boobu. Tuli kkede ku tafule, kwaambaula, elyo tula ambaula zya Mwami. Elyo mwana wazuzila ku tafule, cakubinda ncobeni, wagwisya kupakamana koonse kuzwa kuli nco tuli mukucita, elyo kwalo, woongolola, kukwiila loko, “Taata! Baama! Ma! Ma! Nda sika ncobeni ku muunzi kuselemukila ku nkamu! Elyo tu cita zyoonse *ezi, ezyo, a zimbi!*” Elyo kakuli twa li eeni ncobeni aa ciiyo cisetekene. Lino, walo kaya buzuza kugama muunzi, kuli kabotu; ku cisobano ca bbesibbo, oko kuli kabotu. Pele ulizwide mu malailile cindi na njilila mu mulumbe oyo ngo twa ambaula. Alindile kusikila ciindi cakwe cisike elyo mpawo atwa ambile eco ncakacita ku cisobano ca bbesibbo.

²⁷ Lino, eci ncintu nciconya nco tu jana ku zipego sunu. Nkekaambo ako Leza takonzyi kusyoma zipego zyakumuuya zinji maningi ku bantu, ta bazi mbo beelede ku zyeendelezya. Elyo nde penzi sunu, kaambo nco tuta jisi cita biyo nco tucita.

²⁸ Elyo tu jana kuti kuli kukkopela kunji kwa zipego zyakumuuya. Pele Ta ndisyomi kuti kuli *boobu* okuno mu mbungano yesu. Ndili lumbide kuli ceeco. Ta ndisyomi kuti nkukkopela pe. Nda syoma tu jisi zipego zyakasimpe, pele twe elede kuziba mbo zyeendelezegwa zipego ezyo.

²⁹ Elyo mpawo cindi mwainka kucita cintucimwi cibotu... Mbuli kuti mwali kubelekela simalela elyo mwa katalikila ku mulimo wanu mutaanzi alimwi muli libambilide kuzwidilizya malailile, mpawo simalela wanu ulijisi kaanzambwene muli ndinywe a kuya buzumanana ku musumpula ku ofesi yaatala ciindi coonse.

³⁰ Lino, Ndi syoma kuti ciindi cauma Cikombelo ca Branham, ku ziba cintu... kubweza zipego ezyo Leza nzya tupa, cakuti Leza ula konzya ku tusyoma a cintucimwi acalo cipati maningi kwindi nco tu jisi. Pele ta tukonzyi kuzwidilila... elyo mwabona muntu oyo weelede kwaambila lyoonse a zintuzyonse. Elyo amuyeeye, “I muuya wa basinsimi uleendelezegwa ku musinsimi,” mbo lwaamba Lugwalo. Cindi wabona muntu oyo ngo elede kululamika, na mwanakazi, elyo oyo muntu wazwa mu malailile, elyo mpawo umwaambila Bwini bwa Malembe, elyo mpawo citondezya kuti muuya uli ali mbabo tauli wa Leza. Nkaambo Bbaibbele mbolya kaamba, “I muuya wa basinsimi,” na, “kusinsima,” oko, nkulungulula, kukambauka, kwaambaula mu myaambo, na kufumbwa mbocibede, nkambo myaambo ya pandululwa ncisinsimi. Aboobo uleendelezegwa ku musinsimi, elyo Ijwi musinsimi. Aboobo tula—tula bona kuti ulizwide mu malailile ku mwaalumi na mwanakazi kusotauka akupa mulumbe, tacikwe makani na nkunji buti nko bayanda kucicita, kuciindi mukambausi anooli mu cikambaukilo.

³¹ Lino Nda yeeyela boobu ku Cikombelo ca Branham, mukuba kuti zipego zyesu—zyesu zipego cakuti tu jana... Elyo tuli jisi

bamwi babotu loko bapedwe zipego okuno. Lino, acimwi ca zipego ezyo mulimo wa nzizyo wini. Zyalo nziipego, mbubonya mbuli kukambauka ncipego, mbuli kuponya ncipego, mbuli zintu zimbi nziipego, ezi nziipego, yalo milimo yazyo ini. Elyo muntu aumwi walaililwa kulindila ku mulimo wakwe wini.

³² Nkokuti acilekwe Cikombelo ca Branham ceendelezegwe mbuli boobu, elyo mu buzuba, kapati buzuba buno cindi ni twa jisi kunji loko (Ta ndi yandi kwaamba eci, pele), kulicengeezya kunji loko. Ta tuyandi kulicengeezya. Taakwe muntu, taakwe muntu usyomeka uyanda kulicengeezya. Tu . . . Ikuti na tatu . . . konzyi kuba a cini, tu tabi aneciba comwe pe, atulindile kusikila tu kajane cini. Lino, Nda syoma nywebo—nywebo no baalumi inga mwa zuminana a ceeco. Ta tuyandi cintu ca kulicengeezya. Bakwesu, ta tukonzyi kutalikila a cintucimwi ca kulicengeezya a kusiya inyika eyi. Twe elede kuba a cini, a ceeco cakasimpe. Ikuti na ta tu cijisi, atu lindile kusikila tu kacijane, elyo mpawo kwaamba cintucimwi kujatikizya ncico. Mwabona?

³³ Lino, inga Nda amba kuti, abalekwe baalumi a banakazi abo boonse bakanana mu myaambo, a kusinsima, a kupa milumbe . . . Elyo Nda—Nda syoma antoomwe a ndinywe no baalumi abo bakasimpe. Lino, Bbaibbele lya kati, “Amusoleke zintu zyoonse; a kujatilila kuli zeezyo zibotu.” “Nkambo a milomo imamauka a myaambo imbi Njo kanana ku bantu aba, oku nko kulyookezya nkwe Nda kaamba kuti beelede kunjila mumo,” okuya mu Bbuku lya Isaya.

³⁴ Lino, inga Nda yeeyela boobu kutegwa buyake busalala buka kutaunikilwe buyo ku cipego comwe a ciindi comwe, nkambo cila tu josya nkoonya ku malailile aceeco Nce sola kwaamba: ikuti na omwe ulakanana, akube kuti muuya wa basinsimi weendelezegwe ku musinsimi. Sena mwamvwa? Lino, akube kuti abo bajisi mulimo ku Mubili wa Kristo . . . Elyo lino cakaambwa, lino acicitwe. Balekwe abo bajisi mulimo ku Mubili wa Kristo balindile ku mulimo wabo, nkaambo mulimo uzwa kuli Kristo kuyaku mbungano. Pele tamu konzyi kukutauka nyoonse a ciindi nciconya, kweelede kuba omwe a ciindi comwe.

³⁵ I Cikombelo ca Branham ciyooba boobu. Balekwe abo bakanana a myaambo, a baabo bapandulula myaambo, a baabo bajisi cisinsime ceelede kupegwa ku mbungano, ka baboola antoomwe lwabo cakufwambaana mu . . . muswaangano kautana, aba bungane mu kaanda kasalidwe, a kulindila ku mulimo wa Mwami.

³⁶ Mbuli mweembezi mbwaelede kucita mwini katana kunjila mu bbunga lyabantu; we elede kubweza Bbaibbele, kubala mu butontozi mu kaanda kakwe, mu Muuya, a kuba uunanikidwe naya kuzwa kuya kumbele lya bbunga lyabantu kuyo kanana. Ikuti na taciti, uyoonyongana aa kusika azwa awo. (Akube kuti mwaalumi aumwi a mwanakazi aumwi, ujisi cipego cakumuuya,

aboole kumbele lya Mwami.) Elyo mukuba kuti mweembezi ujisi mulimo omwe, walo musinsimi; ibbala lya Chikuwa, *i mukambausi*, lyaamba, “i musinsimi,” ngu sikwaamba Ijwi.

³⁷ Akube kuti abo bajisi milimo beelede kuba cibeela ca muntu umwi umbi, mbuli omwe kukanana a myaambo alimwi aumbi kupandulula, ba lindile *antoomwe* ku mulimo wabo. Ta bakonzyi kukkala ku kwiiya kwakumbali a kukanana mu myaambo elyo mpawo kuboola kwaambila umwi eco ncaamba, nkaambo inga kwaba kubili myaambo a bupanduluzi. Mwabona? Lino, ikuti na uli jisi ezyo, kabotu loko, tu yanda kucitambula mbuli boobo. Elyo tu yanda mbungano kuti igwasigwe kwiinda ku zipego ezi zili mu mbungano yesu. Leza wa kazitumina ndiswe, elyo zi . . . tu yanda mbungano yesu kuti igwasigwe kwiinda ku zipego ezi zyakumuuya. Aboobo akube kuti muntu oyo ukanana a myaambo, aumwi upandulula, aumwi usinsima, aba boole antoomwe ka kutanaba i—i mbungano kusola kuswaangana. Aba swaangane mu kaanda lwabo, kabalindila a mulimo wa Mwami ku mbungano. Sena camvwugwa?

³⁸ Elyo mpawo, mbuli boobu, ikuti na Mukwesu Neville, wati, ee, lino andi, mudi jatile, anda ambe ceeci: Ikuti na Mukwesu Collins ulakanana a myaambo nkabela Mukwesu Hickerson wapa bupanduluzi, mpawo bajisi mulimo *antoomwe* wa mbungano. Lino, oyo tauli mulimo wa Mukwesu Neville; oyo mulimo *wanu* ku mbungano. Ndili mukupa ceeci mbuli mukozanyo. Mpawo nywebo no bakwesu mweelede kuba akuyandisya ncobeni mu kubikka mulimo wanu mu busena mu ng’anda ya Leza mbuli mweembezi mbwa yandisya kubikka wakwe, nkaambo cali ncintu ciyandika mu cicite. Pele tokonzyi kucicita mu kaanda kako keni ka kumbali, kuti *wa* kanana alimwi *wa* pandulula, mweelede kuboola antoomwe. Lino, amuboole antoomwe mu mbungano, kuzwa kuya mu kaanda kako mulikke, nkaambo mujisi mulimo wa kumbali. Ta uli mulimo waantagalala, ngo nguwe weelede kugwasya mbungano. Mwabona? Ncintu cimwi cakugwasya mbungano, pele ta ceelede kucitwa mu kubungana kwini, mu nzila buyo Njeyo mwaambila mbo yeelede kucitwa. Mwabona? Mpawo, kufumbwa Mukwesu Collins nca kanana, a Mukwesu Hickerson mbwapa bupanduluzi, mbuli mukozanyo, mpawo lekela Mukwesu *Umwi* a cilembe apepa, obo mbocibede. Elyo mpawo ikuti na caboola . . .

³⁹ Lino, toonse tu lizi kuti Mwami ulaboola, tuli libambilide kuli nkuko. Elyo ikuti na Mukwesu Neville wa kabuka busiku abumwi a kwaamba, “Amubone, Mwami ulaboola! Amubone, Mwami ulaboola!” eco inga kacili kabotu, mwabona. Pele wa amba eco (i mweembezi) aa cibumbili, nkambo ujisi Ijwi kuli nkuko. Elyo ikuti na kali mweembezi, musinsimi ku mbungano . . . na mweembezi, mubwini, weelede kulangalanga Ijwi lya Mwami a ku mwaambila eco cilembedwe mu Ijwi lya

Mwami kujatikizya kuboole kwa Mwami, elyo mwa cenjezegwa kwiinda kuli ndilyo. Ii mulimo wandeene (ku mbungano) oyo ngwa tano jisi luswaanano a nguwo, yalo myaambo, bupanduluzi bwa myaambo (cili ncisinsime), na musinsimi ukanana, eco ncintucimwi citalembedwe mu Ijwi. Eco cilembedwe mu Ijwi, *walo* nca elede kuleta; pele eco citalembedwe mu Ijwi, nceeco *ncoelede* ku mwaambila. Mbuli, kupa mukozyanyo, “Koambila Mukwesu Wheeler, MBUBOBU MBWAAMBA I MWAMI, ‘Juunza, mu dindi lyakwe lya musenga, ta elede kuunka kuli ndilyo, nkambo kuyooaba gotokala liyo bbindamuka,” na cintucimwi mbuli ceeco, elyo ceelede kucitwa. Elyo wa caamba mpawo wa cipandulula, elyo mpawo kobikka eco aa cibumbili ca mulimo wako wamana, mpawo, masiku, kwamana mbungano (nyimbo yakutembaula) kutalika kwiimba a zimwi zimbi; ikuti na mulimo wako wamana mpawo, aba boole a ceeco capegwa ku cinsinsimi.

⁴⁰ Elyo Ta ndiyeeyi kuti tu jisi. . . Na mwacita, amubikke eci mukati omuya. Cindi bantu aba baswaangana antoomwe, ababe a busongo buboole kusaanguna. Nkaambo, nywebo mwabona, ikuti na umwi ulakanana mu myaambo a kupa bupanduluzi kweendelana ku Lugwalo, eco ta cikonzayi kutambulwa citakuti capedwa bumboni ku bantu bobilo na botatwe, bakamboni bobilo na botatwe bambi, mwabona, beelede kupa bumboni kuli ceeco, kuti bala cisyoma kuba Ijwi lya Mwami. Nkaambo. . . Elyo ziindizimwi mu milimo eyi misyoonto, mbubonya mbuli mulimo uli oonse, uyo jana myuuya eyo inyongene; mwabona, iyonjila omuya akukazya. Elyo ta tu ciyandi eco. Peepe. Tu yanda milimo eyi kili bambilide ku yutululwa ikuti na yeelede ku yutululwa, nkaambo kufumbwa cintu ca Leza inga. . . to libiliki ku makani a kuciyutulula, Ndi pandulula kuti, ciyo—ciyo ima ku kusolekwa, ikuti na nca Leza.

⁴¹ Mbubonya mbuli mweembezi, ikuti na muntuumwi wa muzundikizya aa Ijwi, ta elede ku tondezya kujatikizya ncico, ulizi kabotu loko nca ambaula, “Koboola atala awa.” Mwabona? Elyo mbubonya mbuli milimo eyi iimbi, yeelede kuba mu nzila njiyonya.

⁴² Lino, ikuti—ikuti na umwi ulakanana mu myaambo a kupa mulumbe. . . Lino, bantu bamwi bala kanana mu myaambo cindi nobali buyo “mu kuliyaka lwabo,” Bbaibbele lya kati, ba jisi buyo ciindi cibotu. Bala kanana mu myaambo, mbo balimvwa. Elyo ba *cita* kukanana mu myaambo, bala kanana a myaambo ncobeni, nkabela Muuya ucicita. Pele ikuti na cili kkede okuya mu bbunga lyabantu, ka kanana mu myaambo, kuliyaka buyo beni, mpawo taticili cintu cipa mpindu ku mbungano; mwaalumi ulimu kuliyaka mwini, na mwanakazi, na kufumbwa oyo ucicita. Mwabona?

⁴³ Ku kanana mu myaambo ncipego ca Leza ku kuliyaka, mbuli Paulo mbwaamba mu Lugwalo, kuti nkuyaka mbungano.

Aboobo weelede kuba a mulumbe kuzwa kuli Leza cigaminina kuyaku mbungano, anze lya cilembedwe omu mu Bbaibbele. Mwabona? Ncintucimwi eco. . .

44 Ikuti na mwakonzya ku ndibuzya, “Mukwesu Branham, mbobuti Mbwe elede kubbila?” Nda konzya ku kwaambila mpoonya cakufwambaana. To elede ku kanana mu myaambo a ku ndaambila obo, kulilembedwe moonya mu Bbaibbele eco cakucita kujatikizya nkuko. Mwabona? Ta ndeelede ku. . . to elede kubuzya mibuzyo kuli ceeco a kuba a muntuumwi kukanana mu myaambo a kukwaambila. Mwabona, eco cilembedwe kale.

45 Pele ikuti na wati, “Mukwesu Branham, ino Ndi citeenzi? Ndi jisi kusala awa nko Nde elede kubamba naa Nde elede kuzumina mbungano eyi na kuunka ku mbungano imbi,” na cintucimwi mbuli ceeco. “Na sena Ndi cite *ceeci, eciya?*” Lino, eco ceelede kuzwa kuli Leza. Mwabona, Leza uleelede ku twa ambila ceeco. Pele eco ceelede kuboola kwiinda ku mulimo umbi, nkambo Ijwi ta lyaambi kuti “Akube kuti Orman Neville asiye Cikombelo ca Branham a kuunka ku Cikombelo ca Fort Wayne Gospel.” Mwabona, ta caambi boobo mu Ijwi awa, mwabona, aboobo nkekaambo zipego ezi ncoziliwo.

46 Mbuli muntu waboola kutala kuno a kwaamba, “Sena mulasyoma kuponesegwa kwa Buleza?” Tula kambauka eco, tula kusyoma, tula syoma mu kunanikwa, i mafuta.

47 Pele ngooyu muntu kuno wa amba “Ta konzyi kuzwidilila, ndi penzi nzi?” Mpawo citola Leza, kwiinda mu myaambo, bupanduluzi, kwiinda mu cisinsimi, na inzila imwi kuselemukila mu buumi bwa muntu oyo a kuyubununa cintu eco nca kacita, a ku mwaambila kujatikizya ncico. Oyo ngo mulimo utazulilwi ku mweembezi, uzulilwa ku zipego ezi zikutauka, pele ta zyelede kucitilwa okuya mu bbunga lyabantu. Mwabona?

48 Lino, Paulo taakwe ciindi comwe nakacita kwaambila eyo—kwaambila eyo mbungano ya Baefeso kufumbwa cintu kujatikizya ceeco, ba kali mu malailile, mbungano yaba Roma, na taakwe mabungano aya amwi; mbungano ya Bakorinto ilikke, alimwi tiiba kakonzya kulibamba kabotu. . . Lino, Paulo wakali kusyoma mu kukanana mu myaambo. Wa kali jisi kukanana mu myaambo mu mbungano ya Baefeso, mbubonya mbuli mbwa aka jisi mu mbungano ya Bakorinto, mwabona, pele ta kali kukonzya kwaambaula zintu zipati maningi ku Baefeso cita biyo kukanana mu myaambo, kupandulula kwa myaambo.

49 Lino, mpawo ikuti na umwi walembe mulumbe oyo wapegwa mu myaambo na wapegwa mu cisinsimi, a kuubikka aa cibumbili, weelede kubalwa a mweembezi kuswaangana kakutana talika, wa “MBUBOBU MBWAAMBA I MWAMI” kuzwa ku bantu aba bakanana a kupandulula. Elyo ikuti na eco caboola kucitika mu nzila njiyonya bupanduluzi mbo bwaamba,

tula nyamuna maanza esu a kupa kulumba kuli Leza nkambo ka Muuya Wakwe uli akati kesu. Ikuti na tacibooli kucitika, mpawo mutacicitu limbi kusikila muuya mubi oyo wazwa kuli ndinywe. Leza tabeji, Ngwa bwini lyoonse.

⁵⁰ Mpawo, nywebo mwabona, mwa kakomena kweelede kulilemeka lino mbuli baalumi, kutali bana (“goo, goo, goo”), nywebo mweelede kuba a nco cipandulula cintucimwi.

⁵¹ Ilekwe mbungano lino, mbuli mbo iboola mu malailile, kusika ku malailile *aya*. Ikuti na umwi wa kasinsima . . . Ikuti na umwi wasika akati kanu, utayiide, elyo mwa kanana mu myaambo, muyooba basikubwelebweza kuli nguwe, tazi eco nco mwaambaula. Mwabona? Elyo ncobeni mu buzuba buno oko kuli lupyopyongano lunji kujatikizya ceeci, cibamba cilebyo. Pele akube omwe ukanana mu myaambo, elyo umwi apandulule a kupa mulumbe, elyo aubalwe mpoonya awa kuzwa ku cibumbili, kuli ceeco ciyootola busena, elyo mpawo cilekwe cicitike, mula bona eco cicitika. Amu baambile kuti “Juunza aciindi cili *boobu*, na nsondo iccilila a ciindi cili *boobu*, kuyoooba cintu cili *boobu*,” mpawo amulekele sikutasyoma ukkede okuya aswiilile kuli ceeco a kubona kuti caambwa kusika kacitana citika. Mpawo ba yooziba musyobo wa muuya oyo uli akati kanu, uyooba Muuya wa Leza. Nce ncico Paulo nca kaamba, “Mpawo ikuti na umwi wakonzya kusinsima a kuyubununa zintu zya maseseke, sena mbungano yoonse taikawidi ansi, na, sikutasyoma, a kwaamba kuti, ‘Leza uli akati kanu?’” Mwabona? Nkaambo tacikonzyi kuba . . .

⁵² Pele lino ta tuyandi . . . “Cindi nitwakali bana,” Paulo wa kati, “Nda kalilemeka mbuli mwana,” wa kabaambila Bakorinto okuya, “Nda kakanana mbuli mwana.” Wa kajisi muzeezo wabwana. “Pele cindi Ni ndakaba mupati, Nda kasowa zintu ziyabwana.”

⁵³ Lino, Nda mwaambila nyoonse, mwabona. Lino, myaka misyoonto yainda, mwakali bana a zipigo ezi, kamusobana koonse akoonse. Pele mwakali ku cikolo kwaciindi cilamfu lino, nciindi ca kuba baalumi, kutali kubelesya zeezi ku kusobanya buyo. Ezi zipigo, zili setekene, nzi zya Leza, elyo ta mweelede kuzisobanya. Atu lekele Leza azibelesye. Obo mbo uyandika mulimo wanu kuba. Eyo nje nzila yakubikka Cikombelo ca Branham mu kuswaangana. Elyo—elyo ikuti na eci cabuzigwa, kufumbwa ciindi, akube kuti teepu eyi iime mbuli kamboni kuti eyi njenzila mbo kweelede kucitwa mu Cikombelo ca Branham.

⁵⁴ Ikuti na kwaba mweenzu ubako, nkaambo muli bajisi ciindi coonse, nkaambo eci cikombelo caabanwa a zikombelo zinji, nkaambo kuli bantu babako bata kayiisigwa kabotu eci, taba cijisi, ba tazi kabotu. Elyo mweembezi wabo wini, bayo osotoka moonya mujulu a kumwaya mulumbe wakwe, a kupalanganya lwiito lwaku cipaililo, a kukanana mu myaambo a zintuzyonse

mbuli zeezyo. Nywebo muli bantu bakayiisigwa kabotu kwiinda boobo. Mwabona? Mpawo kwamana kuswaangana, ikuti na takwe bweendelezyi, mpawo mbusena bwa daikona kuunka kuli mbabo. Muta lekeli mweembezi wanu kucicita kusikila casika ku kasena oko daikona nkatako, pele daikona weelede ku bona kuli nico. Mwabona?

⁵⁵ Lino, kwamana kuswaangana. . . Ikuti na muntu waima buyo a kupa mulumbe, mweembezi, ikuti na uyanda kuleka kaindi buyo kaniini a kuzumanana, kabotu loko, mwabona, eco cili ku mweembezi. Pele mpawo cakufwambaana buyo lekela daikona, oyo muntu katanazwa mu buyake, amu batole kumbali a kwaambaula kuli mbabo kujatikizya nkuko.

Elyo ikuti na ba cibuzya, amu balete ku teepu eyi a kwaamba, “Nceeci bishopo, na, mulinguzi wa mbungano. . .” (Uli ngu *bishopo*, i. . . mulinguzi uli oonse, mwabona, mbombubo mbwaitwa mu Bbaibbele, “bubishopo,” mwabona, aboobo oyo mulinguzi wagoonse iwa mbungano.) “akube. . . aya nge malailile a nzila mbungano yesu mboicita. Lino, tula muyanda kuti muboole kupa mulumbe wanu. Pele ikuti na mujisi mulumbe kuzwa ku Mwami alimwi uli. . . awu pegwe, kuletwa atala awa uubikkwe aa cibumbili cesu, nkabela mukutausi wesu uyo ubala ku mbunga, mulumbe ku mbunga eyi.”

Pele citabi buyo cakwiinduluka Magwalo, a zintu mbuli zeezyo. We elede kuba mulumbe ugaminide ku bantu, wa cintucimwi cili afwi kutola busena, na cintucimwi nco beelede kucita. Sena camvwugwa? Yaa.

222. Lino, sa kuli nzila mbotu yakubamba matobelanwa mu mbungano kunze lya kuzumanana kuyeezya bantu a— a kwiinduluka kuzwa kuli bamadaikona mbuli mbo kweelede?

Peepe, oyo, Nda zwa kupandulula oyo. Ngo mubuzyo watatu.

⁵⁶ I bamadaikona, bulizi bwanu nkubamba matobelanwa mu mbungano, mu lweetelelo a mubulongwe. Elyo mpawo mweelede ku, ikuti na umwi wazwa mu malailile aa mu mbungano, na waboola muno mbuli mukolwi, na muntuumwi wabako.

⁵⁷ Mbuli mbo bakadubula uulya mukutausi kuzwa ku cibumbili kutala kuya busiku bumwi. Mwa kamvwa kujatikizya ceeco, uulya mukolwi kanjila a shotigani ya miluli yobile. Wa wakakwiilila mukaintu wakwe, elyo—elyo wakali kuyanda mukaintu wakwe, nkabela wakainka ku mweembezi. Elyo mweembezi waka mutondezya mukaintu wakwe wakakkede alya, pele wa kali kuyanda ku mu dubula moonya mu mbungano, elyo mweembezi wa katalika kumulanganya. Elyo mubusena bwa—mubusena bwa. . . I—i mwaalumi kajisi shotigani kainyonedwe a kudubula mweembezi kuzwaku cikambaukilo, mpawo kudubula mukaintu wakwe, elyo mpawo kulidubula mwini.

58 Lino, ikuti nokwakali nkamu ya bamadaikona okuya muntu uulya cindi na kanjila mulyango oyo kajisi shotigani eyo, niba kamwampila a maanza abo, kumunyanga shotigani kuzwa mu janza lyakwe. Mwabona? Mwabona, abo—abo mbamadaikona bali mu malailile. Elyo lino, zintu ezi zyaka inka mu nzila mbuli mbo bacita lino, inga akwalo walangila kufumbwa cintu. Pele, amuyeeye, bamadaikona mbasilikani ba Leza mu ng'anda ya Leza, takukwe makani eco kufumbwa muntu umbi nca yeeya. Ziindizimwi musilikani inga tayandi kwiinka kutala kuyoanga muntuumwi, ndiza umwi wa balongwe bakwe, pele wa kakonka kumulimo, we elede kucicita kufumbwa. Obo mbulizi bwakwe mu dolopo lyakwe. Mwabona?

59 Obo mbulizi bwa daikona ku mbungano. Elyo ikuti na umwi wasotoka mujulu a kotalika kunyonganya mweembezi, na cintucimwi cimbi mbuli ceeco, elyo mweembezi mu mulumbe wakwe, bamadaikona beelede kubainkila abo bantu, bobilo na botatwe babo, kwaamba, “Sa inga twa kanana kuli nduwe, mukwesu?” Mwabona? Amu mugusye mu mbungano, okuya mu ofesi, mukati *omu* na ofesi imbi, a kukanana kuli nguwe kujatikizya ncico, kwaamba, “To elede kunyonganya.” Nywebo mulizi, nku—nku bbadela kwamali kupati ku mulao kunyonganya kuswaangana kuli koonse. Mwabona? Pele bantu bamwi, mbuli muntu uusunda na cintucimwi, waboola akati kanu, nywebo mulizi, a—a sikwiindilizya umwi wabukombi, a—a kotalika kulilemeka bumwi, mpawo bamadaikona... Elyo ikuti—ikuti na bamadaikona tabalibonyi kukonzya kucilanganya, mpawo nkamu ya basyomesi na kufumbwa buyo umwi mu mbungano inga wabweza ntaamu a kupa lugwasyo ku muntu uli boobu. Nywebo mulizi obo.

60 Elyo—elyo lino andi buzye mubuzyo alubo kuno.

Sa kuli nzila mbotu ya kubamba malailile mu mbungano kunze lya kuyeezya bantu a kwiinduluka kuzwa kuli bamadaikona, lino, muli zimwiziindi?

61 Lino Ndi yeeya kuti i—i mweembezi, lyonse kanji... Na kulizya teepu eyi, amwileke iime kuba bumboni. Bamadaikona mbasilikani, nkabela ijwi lyabo mulao a malailile. Mwabona? Elyo bali jisi bweendelezi kuzwa ku mbungano a kwalo kuzwa ku milao ya cisi ku kubamba eyo ng'anda ya Leza kuba busena bululeme. Elyo kufumbwa muntu wiimpana a daikona mbuli boobo, oyo weelede kwaangwa kwa—kwa mu ntolongo yamfulumende mpati yacisi ikwa myaka yobilo kusikaku makumi obilo. Ikuti na wa baambila kwiinka elyo taba ciciti, na cintucimwi mbuli ceeco, muntuumwi ujisi kulilemeka kubbi, we tazi buyo eco ncali mukucita ku... Ula libikka mukuli mwini, na kuba a mukuli kumulao mwini ku misyobo yoonse ya kubbadelela zisubulo, ili yoonse.

⁶² Elyo mpawo ikuti na casika ku kasena cakuti muntuumwi...Lino, mbuli...Elyo ikuti na muntuumwi wasotoka mujulu a kuzwa akulilemeka kubbi...Ambweni kwaamba buyo mu myaambo na cintucimwi, inga tee Nda yanda eco. Mwabona, aba unke, nkambo ikuti na mbeenzu. Ikuti na mbantu besu beni, mpawo amulekele buyo, busiku butobela, nywebo no bamadaikona amubweze buyo teepu eyi, a kwaamba, “Lino, tu yolizya malailile aa mbungano katu tana kutalika kuswaangana, Ndi yanda kuti muntu aumwi aimvwisye.” Elyo nywebo no beambezi a nywebo nyoonse mula konzya kubelekela antoomwe mbuli boobo.

223. Lino, Mukwesu Branham, ino kujatikizya cikolo ca Munsondo? Mukwesu Branham, kujatikizya cikolo ca Munsondo (yaa), sa ceelede kuba kakutanaba kuswaangana kwa kukambauka?

⁶³ Iiyi, twa ka cijisi boobo lyoonse. Amube a cikolo ca Munsondo kakutanaba kuswaangana kwa kukambauka. Elyo obo cipa ciindi ceelede bana baniini abo batola lubazu ku cikolo ca Munsondo, ku mwaisya makkilasi abo. Elyo ikuti na—elyo ikuti na bayanda...elyo bana baniini taba cimvwisiyi, elyo beelede kukkala mu kukambauka koonse elyo mpawo kuba a cikolo ca Munsondo, bana baniini bala katala. Akube kuti cikolo ca Munsondo cibe lutaanzi, amube aciindi cibikkidwe, ku mbali yomwe ya ciindi ibikkidwe cakuti cikolo ca Munsondo cano citika. Mweendelezi wa cikolo ca Munsondo weelede kubona ceeco, kuti eci cikolo ca Munsondo cano citika ku ciindi cimwi, ciindi cibikkidwe. Elyo cila mwaisigwa a ciindi cimwi. Coonse cikolo ca Munsondo, cizumizya ciindi cili boobu kuli ceeco, elyo mpawo nkumwaika.

224. Sena mwiiyi wa kkilasi ya bapati inga waba umbi kunze lya mweembezi?

⁶⁴ Ikuti na cakazuminanwa obo. Ikuti na mweembezi uyanda kuyiisya cikolo ca Munsondo elyo mpawo kuleta mulumbe akale, eco cili kabotu a kweelela ikuti na uyanda kucita kuswaangana kobilo. Pele ikuti na tayandi, nkokuti amu jane mwiiyi wa kkilasi ya cikolo ca Munsondo ca bapati, mwabona, ku kkilasi yanu ya bapati. Elyo mpawo ikuti—ikuti na mweembezi kuli ngwa jisi omuya mu muzeezo wakwe, alimwi muntu ulayanda ku cicita, amulipe kwa maminiti asika ku makumi otatwe, na kufumbwa mbo muyo zumizya cikolo canu ca Munsondo, maminiti ali makumi otatwe na makumi otatwe aosanwe, makumi one, kufumbwa mbocibede.

⁶⁵ Elyo kuleelede kuba mulangu awa ubikkidwe. Elyo cindi mulangu waumwa, eco caamba...na kwalo mulangu wa mbungano, cindi walila anze, oko nkumwaisya cikolo ca Munsondo. Elyo cindi mulangu walila, eco caamba zintuzyonse zyaba mu matobelanwa mpoonya awo.

⁶⁶ Kunooli ciindi cinji boobu mpawo ca inyimbo yakulumbaizya na zyobilo, kufumbwa nzyo muyo imba. Kutali ciindi cinji loko, uyopa bantu kukatala kwiinda kukubajata kwa ciindi cilamfu, mwabona. Elyo amu lizeye buyo mulangu, kuba nyimbo yakulumbaizya akufumbwa nco muyo cita, elyo mpawo kutuma makkilasi anu ku busena. Elyo ndyoonya buyo cindi eco casika, kwaamba ndiza ciyooba a—a teni okuloko, na teni theeti, na teni fifitini, kufumbwa mbocibede, amu lizeye mulangu nkabela mwiiyi aumwi wamwaisya kkilasi yakwe, waboola ku bbunga lyabantu abusena awa. Elyo mpawo... Elyo kopa bulunguluzi, bulunguluzi bwa cikolo ca Munsondo, elyo mpawo kumwaya cintu coonse, a kulekela boonse bayanda kukkala kulindila kuswaangana kwa kukambauka kutobela. Mwabona, mpawo cili mu malailile.

Mubuzyo? **Ali ongaye ma...** [Umwi wabuzya Mukwesu Branham, “**Elyo mpawo tu jisi kkilasi ipambukene, mu kwaamba kumwi?**”—Mul.]

⁶⁷ Oh, iyyi, mwe elede kuti kamujisi. Ii—ii wamyaka yotatwe takonzyi kumvwisya eco wa myaka iili kkumi ayone ncanga wamvwa. Ndi yeeya kuti Ndi jisi oyo ambele aniini.

225. Ino kweelede kuba makkilasi ongaye?

⁶⁸ Mwe elede kubikka makkilasi anu mu... Mbuli kkilasi niini eyo iyanda kuba atuntu tuubauba, eco caindila loko ku mulombe na musimbi wa myaka iili kkumi aine yakukomena. Mwabona? Mwe elede kuba aumwi muntu kubweza kkilasi ya baabo bavwanda baniini, mutumbu mupati na cintucimwi oyo uuzi mbo ba mamelwa. Makkilasi ambi, Ndi yeeya kuti, kweelede kuba muntuumwi uukonzya loko kutondezya Ijwi. Mwabona? Elyo kweelede kuba makkilasi. Ku kwaamba lino, inga kwaba mbuli kkilasi kuzwa... Nokuceya makkilasi otatwe.

⁶⁹ Kweelede kuba kkilasi ya bavwanda baniini, yabazwa kutandila myaka yosanwe yakukomena. Elyo boonse bali ansi kuli eyo beelede kubambwa a bamanyina, a kutolwa ku busena bwa tuvwanda ikuti na cileelega mu ciindi ca—ca kukambauka, ikuti na baya bulilemekka bumwi. Nkekaambo busena bwa tuvwanda nco buliko.

⁷⁰ Elyo Ndi yeeya kuti i—i makkilasi aleelede kubambwa kuzwa mbuli ku bavwanda baniini kutandila myaka yakukomena ili yosanwe na cisambomwe, kusikaku lusele na fuka, kkumi, cintucimwi mbuli ceeco. Elyo mpawo kuzwa ku myaka ili kkumi yakukomena kuyabuya ku kkumi ayosanwe beelede kuba mu i—i kkilasi yabakubusyi. Elyo mpawo kkilasi ya bapati baina ku kkumi ayosanwe, nkaambo ba... ikuti na bakakomena bweelede ku—ku... mazuba ano inga bajana ncito alimwi balindila ku voota kuciimo eco, kutandila; aboobo be—be elede kukonzya kumvwa Ijwi, pele baboola mu buyake bwa mutwe akuba aceeco.

226. Mbaani beelede kuba bamayi?

⁷¹ Nceeco we, eco cili kuli ndinywe kusala bamayi banu mu zyuuno. Elyo mwe elede kucicita eco, ku ba bikka mukati omuya, amu jane muntuumwi. Elyo amu swaangane a mbungano, a kwaamba, “Nguni i . . . Nguni ano ulimvwa kusololelwa a Mwami?” Elyo mpawo amujane mwiiyi weelela. Elyo mpawo lino acicitwe. We elede kuba mulimo uusinizizye, bakwesu. Ikuti na mwiiyi takonzyi kweelela kuli njiyo, nkokuti amu cince bamayi.

⁷² Nkabela cindi casika, mbuli kweendelezegwa a Leza, ikuti na Nda limvwa mbuli kuti Orman Neville ta konzyi buyo kweelela kuba mweembezi okuno, Ndiyo caamba ku mbungano. Cindi Nda bona cintu comwe awa, kuyeeya kuti nywebo no bamadaikona tamu konzyi kweelela kuba bamadaikona, Ndiyo caamba ku mbungano, kuti, “Nda jana kuti kuli daikona awa ucita cintucimwi nca taelede kucita, alimwi tabambi bulizi bwakwe bwa mulimo,” azimbi zimwi mbuli zeezyo, na musyomesi na kufumbwa mbwanga waba. Ta ndikonzyi ku basala kuba mu zyuuno na kubagwiswa, mbungano yeelede kucita eco, pele Ndiyo cileta ncobeni kumbele lya mbungano. Mwabona, nkaambo mbo mbubo mbo ceelede kucitwa. Mbo Nde elede kuba, mbuli mulinguzi, Nde elede kulanga a kubona eco cicitika. Twi inka ku Julu, kutali kunze awa kumwi ku mulundano na cintucimwi kuba azyakusesya zinji a kulimbana umwi aumwi, a kusobana bbesibbo. Tuli waano kulanganya cintu caluzyalo maningi ano aa nyika, Ijwi lya Leza, alimwi lyelede kukutaukwa mu matobelanwa aa bunaleza.

Mbaani beelede kuba bamayi?

⁷³ Eco cili kuli ndinywe ku basala. Pele inga Nda sala, ku bavwanda, inga Nda sala mwanakazi mucembele, umwi unga wacita ceeco. Pele ku bakubusyi, inga Nda sala mwiiyi umwi oyo usinizizye, a kutali buyo kuunka awa a cipobwe ca kuyoka nyama akwaana twaano. Eco inga kacili kabotu ikuti na bala yanda kuzumanana kuli ncico cipobwe ca kuyoka nyama akwaana twaano, pele kubikka zintu zyoonse kuli ncico . . . Kucibikka ku Ijwi, lekela muntuumwi oyo uukonzya kujata Ijwi. Elyo ciyooba, mbungano eyi taiminini ku . . . Cipobwe ca kuyoka nyama akwaana twaano cili kabotu, a—a twana tuniini nto muyanda kwiinkila antoomwe a luswaanano, cili kabotu, nco—nco mweelede kucita ku kkomansya bana. Pele mu busena obuno *kuno*, eli ndi Ijwi lya Leza. Cipobwe ca kuyoka nyama akwaana twaano ncindi no muswaangana antoomwe, na cintucimwi mbuli ceeco, pele kutali mu ng’anda eyi ya Leza. Elyo aba balizi, mubwini tu lizi kuti ta tusyomi muli eci kuno bufubafuba bwa—bwa—bwa misaalo a zintuzyonse mbuli zeezi koonse kuno, tu—tu . . . nywebo mulizi kabotu kwiinda boobo.

227. Mbaani beelede kulanga cikolo ca Munsondo kucibamba mu malailile?

⁷⁴ I mweendelezi wa cikolo ca Munsondo. Elyo mboubede mulimo wakwe. Ta elede kuba a cintu cili coonse cakucita a bamadaikona, basyomesi, beembezi, na kwiina muntu umbi, ujisi ncito yakwe ini. Kufumbwa mwiiyi wanu wa cikolo ca Munsondo mbwabede, Ta ndizi. Pele mwiiyi oyo wa cikolo ca Munsondo weelede kubona kuti kkilasi aimwi ili mu busena bwayo, alimwi mwiiyi aumwi nkwali, na kusintanya mwiiyi umbi ku mwiiyi oyo na tako mu buzuba obo.

⁷⁵ Mpawo kakutana kutalika buyo Munsondo. . . Kucindi i—i ziiyo nozi citika, mweendelezi wa cikolo ca Munsondo weelede kunoya bwiinda a kubwezelela milumbo eyo njo bajisi kuya (kuyobolola kwamali a cikolo cabo ca Munsondo), a kupa bulunguluzi bwa baabo baliko, Mabbaiibbele ongaye ngo bajisi mu kkilasi eyi, azimwi zimbi, a kupa bulunguluzi bwa njiyo. Elyo mpawo kwiima kumbele lya bbunga lyabantu kakutanaba buyo kuswaangana kwa kukambauka, cindi apegwa kaindi kaku cicita, cindi noba jisi bulunguluzi bwa cikolo ca Munsondo eelyo cikolo ca Munsondo camana, kwaamba bamayi nabali bongaye, mbangaye baliko, mbanji buti antoomwe cikolo coonse ca Munsondo, mweelwe woonse—woonse na milumbo, azimwi zimbi mbuli zeezyo. Bamadaikona, basyomesi, beembezi, ta baelede kucita ceeco. Ta bajisi cakucita muli ceeco, eyo ni ncito ya mweendelezi wa cikolo ca Munsondo.

⁷⁶ Elyo mpawo ikuti na wabona kuteeti cikolo ca Munsondo cibulide zintu zimwi, mpawo weelede kuzitondezya ku—ku nkamu ya basyomesi, elyo basyomesi balaba a muswaangano kujatikizya ncico, kusaanguna. Elyo mpawo basyomesi, ikuti na ba jana kuti kuli mali manji a zimwi zimbi, kwiinda ku muyobozi, mpawo eci inga caulwa; ikuti na uciyanda cintucimwi cimbi cakulembela akubala, na kufumbwa mbocibede, na Mabbaiibbele na cintucimwi, ba yanda kuula Bbaiibbele lya umwi, nywebo mulizi, oyo ukonzya kujana mabala a kubalulula Magwalo manji, cilumbo cimwi na cintucimwi nco bayanda kupa mbuli ceeco, cipo, alimwi ba yanda kucuula kwiinda mu mbungano. Mpawo eco acitondezegwe ku i—ku i—ku i—i bamadaikona. . . elyo mpawo a ba bone ikuti na—ikuti na—ikuti na mocili mu ciyobwedo. Mwabona?

⁷⁷ Elyo mpawo Nda yeeya kuti kumamela mibuzyo yosanwe ali yeeyo.

Lino, ali utobela umwi, ngwa:

228. Mukwesu Branham, ku makani a malailile aa mbungano, twa sola kuunka mbo kweelede ku nzila njo tumvwisya malailile apedwe mu kusalazigwa kwa mbungano mpya. Elyo mukucita boobo, bamwi ba kakalala a kuzwa mu mbungano. Elyo bamwi ta bakaswiilili ku cintu cili coonse nco twaamba, kapati bana. Twa kaambaula ku bazyali kujatikizya bana babo, nkabela taba babambi. Lino, sa tii

twa kamvwisya kabotu? Na, tu cicita mu nzila iilubide? Ndalumba.

Lino andi ingule yooyu mbuli mboiya buceya.

Ku makani a malailile aa mbungano, twa sola kuunka mbo kweelede ku nzila mbo twa kaimvwisya kupegwa mu kusalazigwa kwa mbungano mpya.

⁷⁸ Lino, eco cilululeme, mu cita ciluleme. Lino, aba beelede kuba bamadaikona, Nda yeeyela, nkaambo mpoonya awa, ni ncito ya daikona. Yaa.

Elyo mukucita boobo, kanji tu...bantu kanji ba katukalalila.

⁷⁹ Bala cita kuli ndime, ambebo! Bayo cita ku muntu uli oonse. Mwabona? Ii muntu uucita ceeco, kuli cintucimwi cilubide ku muntu oyo. Taba luleme a Leza, nkambo Muuya wa Kristo uleendelezegwa ku lwiiyo lwa Kristo, ng'anda ya Kristo, malailile aa Kristo. Mwabona? Elyo kufumbwa mwaalumi oyo...na kufumbwa mwanakazi, na kufumbwa bantu, bana, abo banga banyema kuli daikona munaleza unga wabaambila kuba...alimwi, na kufumbwa muzyali unga wanyemena daikona...Mubwini, tu yanda muntu aumwi mu mbungano eyi oyo ngo tukonzya kujana; pele ikuti na eco inga caletela buyo penzi limwi ku busenabumwi, obo mbuumvwa na “ngu sulwe mu cilwi ca nkuni,” mbuli mbo twa kali kwaamba. Muntu oyo tali kabotu.

⁸⁰ Ikuti na bazwa, kuli buyo cintu comwe cakucita: aba inke, a kuyo bakombela. Mwabona? Mpawo ambweni bamadaikona bamwi bainka kuli zyabo mbunga-...na, kwiinka ku ng'anda yabo ciindicimwi, a kuyooziba kaambo neoba kazwida, a ku babuzya cakalubila. Mpawo, elyo ikuti na ba...Kubona na ulakonzya kuba yanzanya. Ikuti taba konzyi, mpawo atolelele bakamboni bobile na botatwe, kutegwa ba kamvwugwe. Mpawo ikuti taba konzyi kumvugwa, mpawo cila ambilizigwa kumbele lya mbungano ikuti na mamembala okuno ku mbungano. Mpawo bali a...

⁸¹ Elyo mpawo ikuti na tabali mamembala ba mbungano, mubwini tabali mamembala aa mbunga eyi, beelede *kubambwa* kweendelezegwa. Mwabona, be—be elede kuswiilila ku malailile esu okuno, nkaambo aya ngo malailile aa mbungano. Ezi nzezintu nzyo tu tayandi kucita, zintu nze Ndi tayandi kucita, pele nzintu zyeelede kucitwa. Elyo Ndili mukulibikka antangalala: a muka baambile okuno kwiinda ku teepu eyi, nde ndime, bala konzya kundimvwa nke ambaula a kuziba kuti nde ndime, kutali ndinywe no baalumi. Mwa *ndi* buzya mibuzyo eyi, elyo Ndi ipa kuli ndinywe ku bubotu mbwe Ndi zyi kuzwa ku Ijwi lya Leza.

⁸² “Lino, ikuti na bantu abo banyema a kumusiya, ino Lugwalo lwaamba nzi kujatikizya ceeco, Mukwesu Branham?”

⁸³ “Ba kazwa kuli ndiswe nkaambo teebea kali besu.” Elyo eco cila cibamba. “Bakasiya mbungano,” nce ncico ncoba kacita. Yaa.

Bamwi taba kaswiilili ku cintu cili coonse nco twaamba, kapati bana.

⁸⁴ I bana beelede kuziba lulayo, beelede ku lujana ku muunzi. Pele nekuba kuti mbi bangu, bana bangu ba njila omuno kufumbwa ciindi, balilemeka bubi, Ta ndiyandi kuti mube a lusalululo; Sarah, Rebekah, Joseph, Billy, na kufumbwa mbwanga waba. Amu ndaambile, Ndiyo cilanganya. Ikuti na taba konzyi kulilemeka kabotu, mpawo bayo tantamuka ku mbungano kusikila ba kaiye kulilemeka kabotu. Obu tabuli busena bwa zisobanino, eyi ni ng’anda ya Leza. Obu tabuli busena bwa kusobanina, kuyululikila aacaanda, a kulemba malembo, a kuseka, a kupangila coongo maningi azya bufuba, eyi ni ng’anda ya Leza; yeelede kulanganisigwa cabuleza.

⁸⁵ Mu boola okuno kuzo komba, kutali kuswaya akwalo. Eci ta cili i—eci ta cili cilawo kulida bulilu, obu tabuli busena bwa kuswaila; obu mbusena bwakuswaila kwa Muuya Uusalala, kuswiilila kuli Nco uyanda kwaamba, kutali kuli umwi aumwi. Ta tubooli kuno ku kuswaanana umwi aumwi, tu boola kokuno ku kuswaanana a Kristo. Eyi ni ng’anda ya kukombela. Elyo bana beelede kulaigwa, elyo na bali . . . kwa kwiinda ku bazyali babo. Aci zibwe! Lino ikuti bamadaikona aba . . . Ikuti na bazyali ba bana bataka swiilili kuli bamadaikona nco baamba, mpawo aba bazyali beelede kululamikwa beni.

Twa kaambaula ku bazyali kujatikizya bana, nkabela taba babambi.

⁸⁶ Ikuti na mamembala aa mbungano eyi, nkokuti mweelede kutola bobilo na botatwe antoomwe a ndinywe a kwiita muzyali oyo mu muswaangano wa kumbali, muli limwi lya ma ofesi. Ta ndikwe ndaba na nguni, ikuti na ndime, ikuti na ngu Mukwesu Neville, na ngu Billy Paul a mulombe wakwe muniini, ikuti na Mukwesu Collins a umwi wa bana bakwe, na kufumbwa umwi wanu. Tu li . . . Tu la yandana, pele tu jisi bulizi kuli Leza a ku Ijwi eli. Ikuti na Mwii, i . . . taakwe ndaba na nguni, twe elede kulombana kubelekelana a kusyomeka kuli umwi aumwi. Mbobuti Leza mbwa konzya kubeleka andiswe, ikuti na ta tusyomeki kuli umwi aumwi? Mbobuti mbo tuyo syomeka kuli Nguwe? Mwabona?

⁸⁷ Aya malailile, twe elede kubamba ng’anda ya Leza! Elyo bamadaikona beelede kuziba obo mbo kucitwa. Mwabona? Elyo nkekaambo Ndila mwaambila lino, amu zwidilizye zintu ezi kabotu. Elyo ikuti eci, wa baambila bazyali elyo taba kaswiilili kuli ceeci, taba kaswiilili kuli ncico, mpawo kajane aumbi daikona na umwi wa basyomesi, na muntu umwi mubotu wa mbungano eyi, a kwiita . . . ko bweza wako musyom- . . . Kobweza

wa nkamu yako iya bamadaikona, bamadaikona bako boonse antoomwe, kwaamba, “Mukwesu Jones, Mukwesu Henderson, Mukwesu Jackson,” na kufumbwa mbwanga waba, mwabona, “bana babo tabalilemeki kabotu, twa kabaambila ziindi zyobilo na zyoatwe kujatikizya bana babo, nkabela taba swiilili kuli nkuko.”

⁸⁸ Mpawo amwiite Mukwesu Jones mukati, na Mukwesu *Kufumbwa mba bedede*, a kwaamba, “Mukwesu Jones, twa kwiita omuno ku muswaangano. Tu la kuyanda, elyo tu... uli cibeela cesu, uli umwi wesu. Andi bikke buyo teepu imwi a kuswiilila eco Mukwesu Branham nca kaamba kujatikizya ncico, mwabona. Lino, twa kulomba kuti uabambe bana baya kulilemeki kabotu. Mwabona? Ikuti na ta bakalilemeki kabotu, alimwi to konzyi kubabamba kulilemeki kabotu mu mbungano, ko basiya a muntu umwi kuciindi noboola ku mbungano kusikila bakaiye mbo beelede kulilemeki kabotu mu ng’anda ya Leza.” Mwabona? Pele aya nge malailile, aleelede kucitwa! Mwabona?

Lino, mubuzyo umbi ulazumanana.

Lino, sa tii twa kamvvisya kabotu?

⁸⁹ Peepe, munene. Takuli kuti mwakakakilwa kumvvisya pe, eco cililuleme. Ndili mukucaamba alubo, i malailile. Mu mpi, taba kulombi, “*Sena* inga ulainka kuyocita cintu cimwi?” Ikuti na uli mu mpi, yebo ula *sungilizigwa* kucicita. Mwabona? Elyo nje nzila eyo mu i...Ndila *sungilizigwa* kukambauka Makani mabotu. Ndila *sungilizigwa* ku kwiiminina Aaya kutabikkila maanu bantu bangu bambi a bakwesu abambi baamba kujatikizya Ngawo, Ndila *sungilizigwa* kucita eci. Nde elede kunyonganya kulimvwa a kukosaula bantu, pele ikuti na Nda...

⁹⁰ Ta muyandi kuba mbuli Oswald. Mwabona? Ikuti na to konzyi kutazuminana a muntu a zintu, elyo mpawo kusukana janza lyakwe alimwi kocijisi kulimvwa nkukonya kuli nguwe, nkokuti kuli cintu cilubide kuli nduwe. Ikuti na Ta ndikonzyi kwiimpana a muntu (cabubi, kuzwa ku bbazu lyomwe kusika kuli limbi) elyo kociyeeza mbubonya kwa nguwe mbuli—mbuli Kristo mbwanga wacita, nkokuti kuli cintucimwi cilubide ku muuya wangu, Ta ndi jisi Muuya wa Kristo. Mwabona?

⁹¹ Ikuti na waamba, “Ee, Mukwesu Branham, Ndi—Ndi syoma kuti kuyiisya kwako kuli *boobu, obuya*.”

⁹² “Yaa, mukwesu, atu boole antoomwe tubuzanyane, yebo a Ndime. Tuyo cibweza lwesu. Tula inka okuya mu kaanda kuli lwesu, tuyo buzyanya ncico.” Elyo wa ndi kosaula buyo, elyo Nde elede kwaamba zintu kujosya kuli nguwe. Ikuti na mu moyo wangu Ta ndi limvwi kuba mbubonya kujatikizya nguwe, kuti “ucili mukwesu wangu alimwi Ndi sola ku mugwasya,” nkokuti Ta ndika mugwasyi, takukwe nzila kuli ndime yaku mugwasya. Ikuti na Ta ndimuyandi, ino cagwasya nzi kwiinka kokuya?

Ko mwaambila, “I busena butaanzi butaanzi, Mukwesu, Ta ndi kuyandi, elyo andi cigwisye kuzwa mu moyo wangu mpoonya awa katu tana inka mukati omuya, nkaambo Ta ndikonzyi ku kugwasya kusikila Nda kuyanda.”

⁹³ Elyo mbo mbubo, alimwi nje nzila. Mwabona, a mwi zwidilizye lyoonse, mweelede kwiicita kabotu loko, nje nzila mbo ceelede kuba. Taakwe no mwakakakilwa kwiimvwisya kabotu.

Sa tu cicita mu nzila iilubide?

⁹⁴ Peepe, ninzila iiluleme mukuzwidilizya eco. Matobelanwa aabambwe! Nkaambo cila zumanana. . . Lino, bana baniini a bamatumbu, tuvwanda tuniini a zintu, bayo—bayo lila, elyo ikuti na balila loko a kunyonganya mweembezi wanu kutala okuya, nywebo amuyeeye, muli bakwabilizi bakwe, muli bakwabilizi bakwe ku Makani mabotu. Mwabona? Elyo kuti na cinyonganya mulumbe wa Mwami, mpawo muli bamadaikona, ncinzi nco mweelede kucita? Mbubonya mbuli, muntu waambaula mu myaambo, ulaangidwe ku bulizi. Elyo muntu ukambauka, ulaangidwe ku bulizi bwaku Ijwi, ulaangidwe ku bulizi bwaku zintu ezi. Umwi aumwi wanu ulaangidwe ku bulizi bwaku ofesi, elyo eco—elyo eco buyo nco tuli—tuli waano kucita.

⁹⁵ Lino, ta tuyandi kulindilila kwa ciindi cilamfu, alimwi Ndi lizi Ndi jisi cipangano mu maminiti masyoonto, aboobo Ndiyo—Ndiyo soleka kubinda cakufwambaana mbuli Mbwe konzya.

229. Mukwesu Branham. . .

Kuli mibuzyo yobilo, yotatwe aa kkaadi eli awa.

Mukwesu Branham, weelede kuba mulazyo nzi wakubwezelela milumbo ya bantu mu mbungano? Eci ceelede kucitwa buti?

⁹⁶ Ndi yeeya kuti kubwezelela milumbo ya bantu mu mbungano ta kweelede kucitwa citakuti nkwa mweembezi wanu. Elyo Ndi yeeya ikuti na umwi wanjilila zyaluzyalo, na cintucimwi mbuli ceeco, kuti. . . Na umwi mu—mu kubula maningi, mbuli umwi wa mamembala esu okuno, mbunga yesu, kwaamba ikuti na umwi wa bakwesu besu, nkabela ujisi penzi limwi; ee, Ndi yeeya kuti mpawo kweelede kwaambilizigwa aa cibumbili, elyo alekelwe mweembezi ku cicita, Ndi yeeya kuteeti eyi ni ncito yakwe kucita ceeco; mukwesu umwi uli mu kubula kwa cintucimwi, a citondezye ku mbungano, ikuti na ciyanda kucitwa mu nzila eyo.

⁹⁷ Ikuti na umwi uli mu kubula alimwi—alimwi mpawo ta muyandi kubwezelela mulumbo wa muntu oyo uli mu kubula, mpawo inkamu aziswaangane antoomwe a kuzuminana aa mweelwe umwi ngo bayanda kupa ku muntu oyu kuzwa mu ciyobwedo. Pele ikuti na ciyobwedo cijisi kusyoonto ku ciindi eco alimwi taba konzyi kukkwanisya kucicita, mpawo weelede

kubwezelelwa, ee, akube—akube i..akube kwaambaula a nkamu, kupa malailile ku mweembezi, alimwi akube kuti mweembezi alombe cintu eci cimwi. Kwaamba, “Lino, sunumasiku (Mukwesu Wesu Jones, wajisi i—i ntenda mbyaabi loko, ng’anda yakwe yanya kumaninina.), elyo sunumasiku, mbuli Banakristo, tuyo oba antoomwe, kuli umwi aumwi wesu kubamba cikonke ca ceeco nco tu konzya kugwasya Mukwesu Jones kujosya ng’anda yakwe alubo.” Mwabona, na—na kufumbwa mbocibede. Mwabona, swebo twe-. . . tuyo cicita. Akube kuti caambilizigwe kuzwa ku cibumbili, eyo nje nzila ya kucita ceeco. Elyo mpawo zikonke zisangwe, alimwi mpawo kuzipa ku muyobozi wa mbungano. Elyo zikonke ezi zibbadelwe ku muyobozi wa mbungano, a kuzipa kuli mbabo. Elyo—elyo amumupe muntu risiiti ya nkuko, nkambo Nse zyi naa mutelo wa lununuko na pe; Nda yeeyela ngwa cintucimwi mbuli ceeco.

⁹⁸ Lino, pele cindi casika mbuli ku—ku mweenzu uubako, mweenzu wabako mbuli kuti ula. . . Ii muntu wabako a kwaamba, “Ee, nywebo mulizi cintu? Ndi—Ndi—Ndili mu lweendo elyo Nda bbotola taya, elyo Ndi yanda taya lipya. Amu ndibwezelele mulumbo sunumasiku ukkwana taya lipya.” Lino, eco ta ceelede kucitwa. Peepe, eco ta ceelede kucitwa. Elyo na calibonya mbuli ku—ikuti na calibonya kuba cintu ceelela, ca muntuumwi ngo muzi, nkamu inga yaswaangana akubamba mweelwe umwi wa mali kuzwa ku muyobozi kutegwa kuulilwe muntu oyo taya na kufumbwa mbo cakabede. Na kumwi ikuti na ciyobwedo ca mbungano cijisi kusyoonto, alimwi cabambwa aa nkamu kuti ezi. . . I mweembezi taelede kuba a cakucita nuli ceeci, i—i bamadaikona beelede kucita ceeci, mwabona, na inkamu. Elyo lino ikuti na eci. . . Ikuti na cazuminanwa, mpawo amupe mweembezi, mweembezi ulakonzya kubwezelela mulumbo. Pele, amubone, ikuti na mweenzu, nca cibukilambuta, mulombwana uyanda mali masyoonto alimwi mulimvwa kuti nca kaambo kaluleme, (lino oyu muyeeyo buyo wangu), ikuti na nkaambo keni kaluleme alimwi mulizi kuti nca kaambo kaluleme. . .

⁹⁹ Lino, lutaanzi, ikuti na mwainka okuya a kuyoozona a mabbuku angu ku ng’anda, aa bantu baina a kwaamba, “Ndi Mufundisi *Nini-a-nini* kuzwa mbungano eyi ili *boobu-boobu*, alimwi Nda—Nda jisi penzi limwi awa anselelo lya mugwagwa, elyo Nda—Nda bula mataya akkwene,” alimwi kuziba kuti Nda kazwa buyo a kupiluka ku muswaangano alimwi ndaka bwezedede mulumbo, na cintucimwi cimbi mbuli ceeco, inga Nda upa kuli nguwe, kumwi, koya kaule mataya akkwene. Elyo mwalanga mu bulembo, taakwe ni kwakali mukutausi uli boobo, taakwe wa kakkede mu busena buli boobo. Elyo kuli madollar azyuulu zili makumi obile aa mabbuku kuzwa myaka eyi ayo Nge kapa mbuli boobo, taakwe kuziba cintu kujatikizya mbabo akooko nkobazwida. Kuboola kujana kuti, bakutausi bamwi ba

lati, “Baa, wa kandicitila ca *boobu-a-boobu* alimwi *boobu-a-boobuya*.”

¹⁰⁰ Lino, mbungano taili a mulimo, cita kuli bayo beni. Mbo mbubo. Bayo beni, bala mulimo.

¹⁰¹ Pele ikuti na kwalibonya kuba kaambo keelela, elyo mpawo ikuti na nywebo, i, ikuti nywebo no basyomesi mwakonzya kwaamba, “Ee, lino lindila kwa kaindi kaniini. Oyu muntu, nguulya awo, mootokala wakwe kunselelo kuya, eci ca, ca citika, a *ceeci*. Tali wa mbunga yesu, mwabona, pele mbo cibede.” Mpawo ikuti na bayanda kucicita boobo, elyo bakonzya kwaamba cintucimwi cisale kujatikizya muntu waanze. . .

¹⁰² Kutali besu beni, lino, mwabona, kutali bantu besu beni, bantu besu beni inga babwezelwa mpoonya akati kabo—kabo beni, bana bakwabo kuno, mwabona.

¹⁰³ Pele ikuti na muntuumwi waanze, elyo mulombwana wati wafwa nzala na. . . elyo muntuumwi uyanda kunjila mu nkomo yakwe a kumupa caluzyalo, eco cili kuli nduwe, pele Nda ambaula kujatikizya bazwa mu mbungano. Elyo mpawo ikuti bantu bamu mbungano ba *lombwa* kusanga, mpawo. . .

¹⁰⁴ Lino, ikuti na mujisi muvangeli, mubwini, omuno kakambauka, mpawo amubweze. . . nywebo. . . eco cilamvugwa katana sika, nywebo mulizi, kuteeti muyo mupa mulumbo, na kupa kuvola, na kufumbwa nca yanda kucita.

¹⁰⁵ Pele mpawo ikuti na muntu oyu nkwali, alimwi nku kaambo kaluleme, elyo mweembezi. . . a nkamu bayanda kuzuminana a kwaambila mweembezi makani ancico, mpawo amulekele mweembezi kwaamba, “Ii muntu uli *boobu-boobu* ulikkede awa, ta tu muzi muntu, wa bako alimwi wa tu lombwa. . . wa amba kuti bana bakwe bafwide nzala. Ta tu jisi ciindi. . . tii twa ka jisi ciindi ca kulangalanga i—i—i—i kutaminina.” Mwabona?

¹⁰⁶ Ikuti na kuli cintucimwi mbuli ceeco, mpawo besu—besu. . . Ikuti na kuli cintucimwi akati ka baabo besu beni, besu—besu beni bamadaikona bainke kuyo langalanga kutaminina oko. Mwabona? Elyo mpawo ikuti na kuleelela, mpawo amu cicite. Ikuti na ta ceeleli, muta ciciti, ta mweelede. Pele lino ikuti muntu okuno, amu—amu lekele mweembezi ambe, “Lino, nkamu ya basyomesi ya ndaambila tiiba muziba muntu oyu. Pele ulikkede muno, wa amba kuti zina lyakwe ngu Jim Jones,” na kufumbwa mbolinga lyaba, “alimwi ulikkede moonya muno. Sena inga mwaimikila, Ba. Jones? Lino, Ba. Jones, ku mamanino a kuswaangana, amwiime buyo kusule ku mulyango okuya, mbuli mbomuzwa anze. Elyo ikuti kufumbwa bantu balimvwa mu moyo wabo, na cintu cili coonse nco muyanda kucitila muntu oyu, amu cipe kuli nguwe mbuli mbomuzwa anze.” Sena camvugwa eco, eno?

¹⁰⁷ Sena mwa cimvwisya eco kuli banu? Kuli baabo bali ku teepu. . . Elyo abamwi iba. . . Mukwesu Collins tacijata a teepu

yakwe. Ndi yanda kuloolola kabalululo ako ikuti na . . . nkaambo ngumwi wa bamadaikona.

¹⁰⁸ Ikuti—ikuti na kwaba cili coonse ca, muntu umwi wabako oyo ngo. . . alimwi uli mu cibukilambuta elyo uyanda mulumbo kuzwa ku mbungano, akube kuti basyomesi na bamadaikona baswaangane antoomwe, elyo akube kuti . . . baswaangane antoomwe, a kubamba muzeezo oyu, elyo mpawo kwaambila mweembezi kuti cicitwe mbuli *boobu*. Akube. . . Akube kuti mweembezi aambe kuti “Muntu oyu uli boobu,” ku mwiita zina, “ta tu muzi pe. Elyo mulazyo wesu okuno nkulangalanga ka tutana bweza mulumbo wa bantu, alimwi, nkuti, besu beni. Pele muntu oyu awa, waamba kuti ujisi kukakilwa, wa jisi cibukilambuta, ujisi bana baciswa, walo, usola kujana musamu wa bana bakwe,” na kufumbwa mbocinga caba, cibukilambuta. “Lino, uliimvwi mpoonya awa, Sena inga waimikila, munene?” Mwabona, elyo aimikile. Elyo kwaamba, “Lino nywebo no bantu mwabona cintu. . . mbwa bede. Lino, kumamanino a kuswaangana oku muntu oyu uyoima kuya ku mulyango wa kumbele, a bantu banoozwa, abo balimvwa kusanga kuli ceeci, muli angulukide; twa caambilizya buyo mu mbungano.” Tamu cizumizyi, mu caambilizya buyo. Mwabona, oko nkoku sangabalisigwa ku mweenzu. Mwabona? Mwamvwisya lino? Yaa.

¹⁰⁹ Nda syoma calondola mubuzyo oyo.

230. Ino kujatikizya mateepu? Lino. Mbuli. . . Ino kujatikizya mateepu? Ujisi katondezya ka mubuzyo. Mbuli, banji bala lembela ofesi a kutongooka nduwe ku micito iili ku mateepu. Akwalo, kujatikizya bamwi ku mbungano basambala mateepu, ikuti Ba. Maguire beelede kubbadela mitelo kuli ngawo.

¹¹⁰ Yaa. I mateepu nga ku cipangano camulimo. Elyo ikuti na Nda. . . Ta ndizi buyo ncobeni cindi ca cipangano camulimo camana, pele basyomesi, oyo uzululwa kuba basyomesi; kutali bamadaikona, basyomesi; kutali mweembezi, basyomesi. I basyomesi, lyonse kanji, bala—bala lembela cipangano camulimo, mbuli mbo Nda cimvwa. Elyo ikuti na eci—eci cililubide, mpawo basyomesi balulamike. Aba basyomesi ba jisi kuzuminana a muntu oyo uupanga mateepu, alimwi mateepu nga kuzumizigwa kwanguzu.

¹¹¹ Taakwe umbi ukonzya kupanga mateepu citakuti kwalaililwa a muntu oyo ujisi kuzumizigwa kwanguzu, alimwi taakonzyi kusambalwa citakuti kwalaililwa a muntu ujisi kuzumizigwa kwanguzu, nkaambo oyo mulao, mwabona, oko kuzumizigwa kwanguzu. Mwabona? Elyo ikuti na kuzumiz-. . . umwi oyo ujisi kuzumizigwa kwanguzu uyanda kulekela *Niini-a-niini* kupanga mateepu, eco cili kuli nguwe. Ikuti na wa yanda kulekela bantubonse kupanga mateepu, eco cili kuli

nguwe; ikuti na uyanda bantubonse kusambala mateepu, cili ku muntu oyo ujisi kuzumizigwa kwanguzu. Ule elede kajisi i—i kapepa kalembedwe kasainidwe kuzwa kuli oyo ujisi kuzumizigwa kwanguzu, kupanga a kusambala mateepu, nkaambo wazumizigwa mu mulao. Nkaambo ikuti na taciti, muntu, ujisi kuzumizigwa kwanguzu ali njiyo. . . Uli pa mukuli kumulao, lwako, ku i. . . (Ikuti na kwaba i—i muntu mubi wali kuyanda kuleta penzi, inga nakali cita ncobeni.) kamuya kokuya ku kuzumizigwa kwanguzu oko, nkambo eco cili mbuli kkopi yanguzu, nywebo mwabona, cintu nciconya. To zumizigwi kucicita; nkubbadelela cisubulo kupati kucita ceeco.

112 Aboobo ikuti na bantu bali mukupanga mateepu, ambweni ba jisi kuzuminana kuzwa kuli Ba. Maguire abo—abo bajisi. . . abo—abo batambula mitelo ku mateepu. Elyo lino. . . alimwi Ta ndizi kujatikizya ceeco, nkaambo Nseli kokuno kwa ciindi cinji a ndinywe kuziba zintu ezi mbo zibede, a kuti nkuulini nkozi tondeka. Ndi yeeyela kuti Ba. Maguire baciku jisi, nkaambo kumasena okuya, Ndili mu California na Arizona, oko Nkwe bede, Ndi mwva kuti bacuula mateepu kuzwaku California. Mukwesu Sothmann, syanyinazyala wa Ba. Maguire, uli mukwesu wesu omuno mu mbungano. Ndi yeeya kuti Ba. Maguire baciku jisi, i—i kuzumizigwa kwanguzu ali ncico.

113 Elyo lino, kwakali matongausi kanjikanji ku kupanga mateepu. Lino, cindi kwanoli tongausi ku cintu cili conse kujatikizya zyamali aa mbungano eyi, cili ku bulizi bwa basyomesi kubona kuti cintu eco kuteeti casalazigwa. Mwabona? Ta kweelede kuba, munzila ili yoonse, kuba kufumbwa cintu.

Lino nywebo mwabona awa, caamba kuti a kkaadi awa, kuti:

Bala lembela ku ofesi a kutongooka nduwe.

114 Mukasimpe, Nda kajisi magwalo manji ali nkuko, a kuyanda kuziba kaambo ncoba takonzyi kujana mateepu abo. Lino nywebo mulizi kukwabana kwanu ayooyo ujisi kuzumizya kwanguzu, mbuli Mbwe mvwa. . . I mateepu, Nse—Nse yandi cintu cakucita angawo, lwangu, ikuti na kufumbwa muntu wakonzya kubelesya teepu kutola kumbele Makani mabotu, “Ameni!”

115 Pele, lutaanzi, Mukwesu Roberson ambabo bakatalika kwaapanga, Mukwesu Beeler a bakubwene babo bakatalika kwaapanga; elyo mpawo balombe bobilo, Mukwesu Mercier a Mukwesu Goad, bakaapanga kwa myaka; alimwi, mubwini, cindi umwi aumwi wa bantu wakaapanga, kwali matongausi ali oonse. Pele, mbocaka boneka kuno calinolino, kwali tongausi pati ku makani akutajana mateepu abo. Bantu baka nditumina kuzwa koonse ku cisi. Elyo mpawo aumwi, mukuba, mateepu akapangululwa ayo lizya cintu comwe miniti lyomwe, a

kuloolola kulizya ali cimbi, cintu cimbi, elyo mpawo akwalo taba konzyi kumvwisya obo mbwa bede.

116 Lino, aba bantu babbadelela mateepu aya beelede kubweza teepu iini. Nse kwe ndaba eco nco beelede kucita kuti bajane, tu yanda kubona basikuula besu a bakwesu besu (bali mbaasikuula besu a bakwesu besu, bamwi bambi), beelede kuba aa teepu “Mbotu kwiinda.” Lino, nywebo no basyomesi amubone ceeco, kuti aba bantu bali kkuutilide. Ikuti na taba kkuutilide, mali abo aelede kujosegwa kuli mbabo mpoonya awo.

117 Elyo umwi waka nditumina, a kwaamba kuti bali kulindila mateepu kwa myeezi. Lino, Ta ndizi obo Mukwesu Maguire mbwa mamela ceeci. Ta—Ta ndizi kujatikizya ceeco, mbuli Mbwe tazi kujatikizya ncico. Elyo Ndi. . . Ta ili ncito yangu kuziba cintu kujatikizya ceeco, eyo ni ncito yakwe a mbabo a basyomesi. Elyo Nse soli kunjila muli ncico, pele Ndi mwaambila buyo obo mulao wancico mboubede. Mwabona? I mulao wancico ngwa kuti mateepu aya, kuzwa ku ciindi no bakatumina, mateepu ayo aelede kuba mu lweendo lwawo mu buzuba bomwe, na otatwe, na one, na osanwe; bamana kwatumina mateepu, ceelede kuba mu mposi kwataba obo kuzumizigwa kwanguzu kula konzya kulesegwa ku ciindi cili coonse kwalo malailile aya asotokwa. Mwabona?

118 Lino, elyo myeezi yoonse ili cisambomwe na mwaka, eci ceelede kubukulugwa, eci cizuminano ceelede kubukulugwa. Mweelede kuswaangana a buzuba obu *bumwi* obo oko kuzumizigwa kwanguzu mbo kwaamba muka swaangane. Elyo mpawo ceelede kuba, nkokuti, bantu bamwi beelede kubako a ciindi eco, alimwi mweelede kuzibya bamwi abo bakali kubuzya kujatikizya mateepu, a kubako kaba jisi cizuminano cabo a kukkala a ku cimanizya.

119 Lino, malailile aya ayelede kucitwa! Mwabona? Elyo aelede kucitwa kabotu, nkaambo cilatongaukwa. Ba katongauka kuli Leo a Gene, ba katongauka kuli umwi aumwi, cilatongaukwa ku Mukwesu Maguire, alimwi ciyo tongaukwa ku muntumwi umbi, pele atu buzzebuzye kuziba kutongauka mbokubede.

120 Lino, pele cindi mateepu atalika kubikkwa mu zikama, mabbokesi angawo, magwalo manji kaanjila, alimwi ba. . . Mwabona, ta ciwidi kujokela kuli sikupanga mateepu, ciwida ali ndime. Lyoonse bali mukundibwekela kujatikizya nkuko. Lino, mbulizi bwangu mbuli Munakristo kubona kuti bantu babweza eco nciba kabbadelela, alimwi Ndi yanda ndinywe no basyomesi kubona kuti bantu bacibweza. Ikuti na beelela kubbadela kunji, amubweze teepu mbotu maningi, amujane munchini mubotu maningi, tu yanda muntumwi kupanga teepu eyo oyo wiipanga kabotu. Nko kuyandisya kwesu. I teepu yeelede kupangwa kabotu! Elyo sikuula weelede kukkutula, nape amuleke cintu camateepu coonse kumaninina, ta tu kabi a mateepu, amulekele

buyo muntu uli oonse kupanga oyo uyanda. Pele ikuti na bayo babbadelela kuli ngawo, ababone kuti babweza eco ncoba kabbadelela, nkaambo obo Mbunakristo. Oko buyo nkwiinda kucita . . .

¹²¹ Elyo cindi baboola okuno kukuswiilila Makani mabotu, Ndi yanda ku bapa kubotu maningi oko Nkwe ndizi kubapa, mwabona, alimwi cindi baboola okuno Ndi yanda kuti mubone kuti bantubonse a zintuzyonse zya zwidilizigwa. Nkekaambo Nce mwaambila no bamadaikona, basyomesi, a beambezi, okuno sunumasiku, kuti mweelede kucita obu mbuli mbo kweelede, nkaambo bantu baboola kuno kujana Leza, nkabela twe elede kuba a zintu ezi mu matobelanwa.

¹²² Elyo akwalo mateepu aelede kubikkwa mu busena. Ikuti na beelede kubbadela kunji, ikuti na bajisi mateepu aambi abupange bwaansi ngobali mukupanga, nkokuti amujane mateepu mabotu maningi. Ikuti na beelede kubbadela kunji kuli ngawo, amu babbadelesye kunji kuli ngawo, aalekwe muntu ajane eco nca kabbadelela.

¹²³ Nse bikkilide maanu mu mutelo umwi nouceya, nanka kkobili lyomwe, alimwi cikombelo tacibikkilide maanu; Nse muyandi kuba. Muta bikkili maanu muli ceeco, mu—mu mitelo. Ikuti na babbadela amwi, Nda yeeyela kuti inga mwayeeyela kuba abulemu buniiini mu kaambo kakuti cipangilwa okuno. Ndi yeeya kuti nce cintucimwi nciba kaamba, Ba. Miller, a mbabo, kujatikizya mulao, ngu twa kajisi, kubweza mitelo imwi na zimwi zimbi. Cili kuli ndinywe nyonse kubona ceeco. Nse li, tandi jisi cintu cakucita a—a ceeco caka bikkwa antoomwe; nyoonse mula cilanganya eco. Nse konzyi ku mamela coonse ca neico, Ndi mwaambila buyo nzila mbo ceelede kuba a mbo ceelede kucitwa. Obo. . . Mwa mvwisya, Nda ati “mbo ceelede kucitwa.” Aboobo tu yanda ceeci kucitwa kabotu.

¹²⁴ Elyo ikuti na beelela kuba a munchini mubotu maningi wa kwaapangila, mpawo amujane munchini mubotu maningi. Ikuti na ceelede kuba. . . Lino, Nda kaamba kuli mbabo, Nda kati, “Oonse miswa- . . . mulimu mupati oonse oyo Ngwe unkila mukubeleka, Nke tana inka, Ndila muzibya kuti nkambauko mbozibede Nzeyo kambauka kubusena okuya, cintucimwi eco Nce kale. . .” Elyo Nda kamusyomezya nyoonse, eco Nceyo loolola lubo Munsondo masiku, kuti “Nke tana kambauka mulumbe mupya uuli oonse, uyo zwa ku cikombelo eci lutaanzi, nkaambo balibonya kubweza marekkordi mabotu maningi.” Sa mula ciyeeya eco? Mpawo eco Nce kaboolela okuno, kukambauka milumbe yangu, mpawo kujokela okuya a kuzibya sikupanga mateepu kuswaangana mbo kubede. Bala ndibuzya, “Njiili eyo? Ino uyo kambauka nzi?” Nda kamwaambila, “*obu busiku Ndi inka a yeeyi-a-yeeyi, obu busiku, yeeyi-a-yeeyi,*” kutegwa inga baipanga a kulibambila kuli sikuula kwibweza mpoonya awo; kwi bweza nkoonya kuli mbabo, teepu mbotu

maningi kwiinda njoba jisi okuya mu muswaangano, nkaambo ipangilwa nkoonya kuno ku cikombelo oko zyakulizya nkozili kabotu. Mwabona?

¹²⁵ Lino, kuunka mu buvangeli obu bupati, eco Nce yocita eno mu masi ambi a zintu, Nse konzyi kusyomezya eco, nywebo mwabona, Nse konzyi kusyomezya kuti Ndiyo kambauka mulumbe wangu mutaanzi okuno. Nkaambo cindi wakambauka koonse, i milumbe, weelede kuba acintucimwi eco ci. . . Cila cima kuli nduwe, alimwi cila langilwa ku cima kuli umwi uswiilila kuli njiyo. We elede kucita cintucimwi caandeene, nywebo mwabona, a kuleta mbubonya buyo Mulumbe mboubede *awo*. Pele ababikke munchini ku masena akubelekela, na kufumbwa mbo cibede, oyo uyo bweza mateepu aya cakulondoka.

¹²⁶ Elyo amupange teepu ilondokede, alimwi teepu aimwi yalizigwa lubo a kulangwalangwa kaita naunka, nape amuleke buyo cintu coonse; mutabi a cintu cakucita akwalo, alekelwe muntu aumwi apange teepu yakwe mwini. Mwabona? Pele amu cicite kabotu, mwabona, kutegwa tongausi eli likaleke. Ta tuyandi matongausi pe. Ikuti na kuli tongausi, a tu kulanganye, mpawo twali manizya.

¹²⁷ Lino, Ndiyo bindaana ncobeni mbuli Mbwe konzya. Billy wabweza mibuzyo imbi itandila kuli yobilo awa, na yotatwe, mpawo tuyo mana.

231. Nkulamfu buti, Mukwesu Branham, daikona nkwakonzya na nkwaelede kusika kubamba matobelanwa mu mbungano? Sa twe elede kubamba malailile na kulindila kusikila Mukwesu Neville wa twaambila eco nco tweelede kucita?

¹²⁸ Eyo taili ncito ya Mukwesu Neville, eyo ni ncito yanu. Mwabona? Ta mwaambili Mukwesu Neville ca kukambauka, obo mbo cikambauka. Mwabona, eyo ni ncito yanu, no bamadaikona, mweelede kucita obo. Amu langanye eco. Eco tacili cintu ca Mukwesu Neville, eyo ni ncito yanu. Mwabona?

¹²⁹ Lino, ikuti na musilikani uli awa mu mugwagwa nkabela wa bona muntu kabba cintu kuzwa kunze lya mootokala, sa weelede kwiita meya a kwaamba, “Lino, Meya, we Olemekwa, munene, Ndi belekela nduwe okuno ku kabunga kabusilikani; lino, Nda jana muntu kutala awa mu kagwagwa, uli—wa li kubba mataya kuzwaku mootokala busiku bwainda; lino, Nda libuzya buyo, ino muzeezo nzi wako kuli ceeco?” Huh! Mwabona? Mwabona, oko inga tee kwaba kuyeeya kabotu. Sa inga kwaba? Peepe, munene. Ikuti na wali kucita cintucimwi cilubide, ko mujata.

¹³⁰ Elyo ikuti na muntu ucita cintucimwi cilubide omuno mu mbungano, na kufumbwa muntu, amu balesye, amwaambaule kuli mbabo. Mutabi basikamikami; pele ikuti na taba kaswiilili, amu kanane munzila eyo njo banga baziba ceeco nco mwaamba.

Mwabona? Mwabona, mbuli mbo mwaambila mwana, kwaamba, “Kojokela okuya,” elyo talilemeki kabotu. Bamadaikona, amukkale aa busena bwanu! Amubikke. . . Kuli bone banu, akukkale bobilo kumbele a bobilo musule, ku makkona aya na ku busenabumwi mbuli boobo. Elyo amulangisisye ncobeni, ku bazangi a zintuzyonse zimbi zinjila mbuli zeezyo, nywebo mwabona. Elyo amube bapakamene, amube kumasena anu a bulizi a kukkala awo, nce cuuno canu; na kwiima nkoonya kulubazu lwa bwaanda a kulangilila bantubonse banjila.

¹³¹ Ii daikona ulanganya ng’anda ya Leza. Umwi wanjila, amu kanane kuli mbabo; amube waawo kubajuzya, amusukane maanza abo. Kwalo, uli musilikani, “Sa tumu tondezye ku kaanda kakubikkila mabbaki azimwi?” na “Sena inga mwayanda kukkala?” “Sa tumupe bbuku lya lwiimbo na cintucimwi?” na “Lino tu yanda kuti mubotelwe nobeni awa, alimwi—alimwi kupaila, alimwi—alimwi tuli kkomene muli okuno sunumasiku a ndiswe.” Amu basololele nkoonya ku busena, a kwaamba, “Sena muyanda kuba muni maningi na muyanda kuba kusule awa?” na kufumbwa zimbi. Oko nkusangabalisa.

¹³² Ii musilikani (na daikona) ni nkamu yabasilikani mu mpi, kulilemeki kabotu kwakusamausya, pele nekubaboobo kajisi bwami. Mwabona? Nywebo mulizi obo nkamu yabasilikani mboibede, mubwini uli, ikuti na wazwidilizya inguzu zyakwe, Ndi yeeya kuti uli buyo mbuli mupaizi. Nywebo mwabona? Nkulilemeki kabotu kwakusamausya a zintuzyonse, pele nekubaboobo ujisi bwami. Mwabona, mweelede ku mumvwiida. Mwabona, ula bikka. . . Aba bantu batakwe luzibo bala unka okuya a kukolwa, baa, uba bikka mu busena bwabo. Elyo mbubonya daikona mbweelede kuba bikka mu busena bwabo.

¹³³ Lino, amuyeeye, daikona walo musilikani, alimwi ofesi lya daikona mubwini ndya kutobela kabotu milao kwiinda ofesi lili lyoonse mu mbungano. Ta ndizi ofesi litobela kabotu milao maningi kwiinda ofesi lya daikona. Mbo mbubo, nkaambo ujisi i—ujisi ncito ini, alimwi muntu wa Leza. Walo muntu wa Leza mbubonya mbuli mweembezi mbwali muntu wa Leza. Nincobeni, mbwa bedede. Walo mulanda wa Leza.

¹³⁴ Lino basyomesi, cintu buyo, bali kuni lya bulizi kuli Leza kulangilila zya mali a kumamela ceeco, zintu zicitika mbuli zeezyo. Nda mwaambila kujatikizya mateepu ayo, alimwi—alimwi kujatikizya zintu zimwi okuno ezyo zicitika, kujatikizya buyake a kubambulula, a kubwezelela mali a zintu, nce—nce ncico nco bali basyomesi: lubono, zya mali a zintu. I bamadaikona ta bakwe cintu cakucita muli ceeco. Elyo nanka i—i musyomesi tajisi cintu cakucita a ofesi lya daikona.

¹³⁵ Lino, ikuti na bamadaikona bayanda kulomba lugwasyo lwa basyomesi ku cintu cili coonse, na—na basyomesi lwa

bamadaikona, elyo nyoonse mubelekela antoomwe. . . Pele obo mbulizi bwanu, muli mukukketa. Mwabona? Yaa.

¹³⁶ Lino, peepe, muta lombi Mukwesu Neville. Ikuti na Mukwesu Neville wamu lomba kucita cintucimwi, mpawo oyo—oyo mweembezi wanu, a kulilemeka kabotu kwakusamausya a luyando a zintuzyonse. . . Ikuti na waamba kuteeti, “Mukwesu Collins, Mukwesu Hickerson, Mukwesu Tony, na muntuumwi, Sa inga wabona eco cilubide kusule ku kkona okuya?” A busena bwa bulizi mbuli boobo, nywebo mulizi, mbuli muntu wini wa Leza.

¹³⁷ Amuyeeeye, tamu belekeli Cikombelo ca Branham, nanka kuti mu belekela Mukwesu Neville na mebo, mu belekela Jesu Kristo. Mwabona? Nywebo. . . Ngo Nguwe ngu mweelede ku. . . Elyo Ula—Ula lemeka busyomesi bwanu mbubonya buyo mbuli Mbwa bedede ku Mweembezi oyo na ku muntu uli oonse umbi, Ula ngila busyomesi bwanu! Elyo tu yanda kutondezya busyomesi bwesu.

¹³⁸ Lino, ziindizimwi cila yuma. Nci yumu kuli ndime kubona mukutausi kakkede awo Ngwe yanda a moyo wangu oonse, kuti ndeelede cancobeni ku mwaambila; mwabona, pele mu nzila ya luyando, Nda tandabika janza ku mugwasya. Pele, mwabona, elyo bala boola kuli ndime a kwaamba, “Mukwesu Branham, uli muntu mubotu loko nconzyo, nkaambonzi to konzyi buyo kulimvwanya aniini aa lubbizyo olo, alimwi ali *ceeci*, *eco*, a *cimbi*, a bukwabilizi obo, a lunyungu lwa nzoka?”

¹³⁹ Ndi lati, “Mukwesu, Nda kuyanda, pele atu bw- . . . kubweza buyo Lugwalo a kubona oyo ululeme na ulubide.” Mwabona, Nde elede kukonzya ku. . .

¹⁴⁰ “Oh, lino, Mukwesu Branham, Nda kwaambila, uli lubide koonse.” Mwabona, utalika kunyema loko.

¹⁴¹ “Oh,” Ndi lati, “ee, ambweni Mbwe bedede. Mpawo, ikuti na Mbwe bedede, kasimpe (elyo wa ndaambila, uli. . . yebo ulizi awo Mpe lubide), mpawo ko nditondezya awo Mpe lubide.” Elyo Ndili libambilide kubweza, mwabona.

¹⁴² Cintu nciconya, “Iwe, to jisi mulimu wa kwaambila mwana oyo kukkala ansi.” Lino, daikona ngu i—ngu sikubamba ku ng’anda ya Leza. Mwabona? Lino ikuti nywebo. . . Ula mamela ng’anda ya Leza a kwiibikka mu malailile. Nce nciico Lugwalo nco lwaamba, alimwi ikuti na mu jisi cintu cili coonse cimbi eco daikona nca elede kucita, amuboole mu ndaambile. Mwabona, nceeco cintu nciconya, pele obo—obo mbulizi bwanu kucita ceeco, inzya, amukwabilile ncobeni.

¹⁴³ Elyo ta mweelede kulomba muntu, obo—obo mbulizi bwanu ncobeni. Mukwesu Neville talombi muntu, mbungano tayeledede kulomba. . . Nda amba, i—i—i basyomesi tabeelede kuunka kulomba Mukwesu Neville ikuti na—ikuti na uyanda kuti ciluli cibikkwe aa cikombelo. Mwabona? Peepe, peepe, eco facili

cintu ku Mukwesu Neville, tacili cintu kuli ndime, eco cili kuli ndinywe. I bamadaikona ta beelede ku . . .

¹⁴⁴ I nzila njiyonya ku mweembezi. “Ino uyo kambauka nzi? Nse yandi kuti ucite *ceeci*.” Ta ba jisi mulimu wa kwaamba ceeco, uli kungsi aa Leza, mwabona, mweembezi wabo. Elyo mpawo ikuti—ikuti—ikuti na . . . Mukwesu Neville, wakambauka mulumbe oyo Mwami ngwa tupa, elyo toonse tuli muli ceeci. Elyo ikuti na Nda ambila Mukwesu Neville cintucimwi cilubide, Leza undi peda kaambo kuli ncico. Mbo mbubo. Mwabona? Aboobo Leza ngo Simalela wa ncico coonse. Mwabona? Elyo tu beleka buyo mbuli baiminizi Bakwe, nywebo mwabona, kunselelo awa mu maofesi aya.

232. Akaka p- . . .

Mubuzyo utobela, elyo mpawo Ndi yeeya kuti tu jisi omwe wasyaala, elyo mpawo tuyo—tuyo leka.

Akaka pandulula obo ncobeni zipego zya myaambo mbo zyeedele kubeleka mu mbungano yesu. Nda cita eco. **Ndelili mbungano noikonzya kubikkwa mu malailile mbuli. . . na mpaali zipego mpo zyeedele kubelekela?** Twa zwa kupandulula oyo.

233. Nkunji buti k-r-i-s-m-a-s. . . Sa inga wabona oyo mbo ubede? [Mukwesu Billy Paul wati, “**Zibelesyo.**”—Mul.] Oh. **Zibelesyo. Nzyongaye zibelesyo nzyo tweelede kuba azyalo mu mbungano kunze lya organi a piyaano?**

¹⁴⁵ Ee, ciya awo ikuti na mujisi bbaandi ya zyakubelesya zyamawaya na kufumbwa nco mujisi, nywebo mwabona. Ta ndizi eco nco mujisi, eco nco caamba eci, Nse cimvwisyi. Pele organi a piyaano nzintu zya mbungano. Lino, ikuti na sikusololela mu nyimbo wabweza muzeezo wakuba aa myeembo a makkoneti azimwi zimbi mbuli zeezyo, elyo muntuumwi waboola mu mbungano elyo balizya zibelesyo ezi. . . Elyo bali mu bbaandi, alimwi—alimwi mpawo, kwalo, mpawo oko nkwa basyomesi banu, kuba antoomwe a basyomesi a kubona ikuti na bali jisi mali akuula zibelesyo zyabo a zimwi zimbi, na kufumbwa mbuli zeezyo. Nda yeeyela mboubede mubuzyo wabo.

¹⁴⁶ Pele ikuti na bajisi zibelesyo zyabo beni, ncibotu loko. Ikuti na taba jisi zibelesyo zyabo beni, elyo mamembala okuno iba bbaandi, kutali buyo muntu unjila omuno a kulizya mu ciindi cimwi, a kubbililila mbuli boobo, yeelede kuba bbaandi mu mbungano. I mbungano inga tiya ula i—i—i mweembo wa muntu oyo uulizizya okuno elyo junza masiku ku busenabumwi bumbi, a ku busenabumwi bumbi, a kuswaya kwakaindi a kulizya aniini. Peepe, munene. Yeelede kuba bbaandi moonya muno, bbaandi yabanji babelekela antoomwe ijisi i—i sikusololela, elyo mpawo mbungano, yaambaula kuli mbabo kujatikizya kuula zibelesyo.

234. Akaka pandulula buyo obo mbo tweelede ku...obo swebo bamadaikona mbo tu konzya kubamba bantu kabotu mu buyake busalala kakutana na kwamana... Akaka pandulula. [Mukwesu Billy Paul wabala mubuzyo, “Mbobuti obo bamadaikona mboba konzya kuumuzya bantu mu buyake busalala kakutana na kwamana mbungano?”—Mul.] Oh, yaa.

¹⁴⁷ Nda yeeyela boobu, bakwesu. Lino, nceeco cintu cipati. Ni twa jisi ciindi cinji cakubikka ali oyo, nkambo nca—nca...ca—ca amba cintucimwi kuli ndiswe, mwabona. Lino, mbungano taili i... .

¹⁴⁸ Ikuti na muyanda ku... .Ikuti na muyanda kulizya teepu eyi koonse busiku bumwi a kwiilizya kumbele lya miswaangano, kutegwa bantu bacimvwisye, ailizigwe eyi; eci cibeela buyo ca teepu pele kuta indizya, eci buyo. Kufumbwa cibeela ca yeeyi nco muyanda kulizigwa ku cintu cimwi, amuzumanane buyo kwiitontekesya kusikila muka cijane, elyo mpawo kwiilizya. Mwabona, nkaambo mibuzyo.

¹⁴⁹ Lino, bamadaikona ba mbungano, alimwi mbuli Mbwe—mbuli Mbwe ambide, mbasilikani ba mbungano. Pele mbungano tacili cakuswanganina balongwe babuleya kwa—kwa luswaanano a bulongwe a kusangabalila. I mbungano mbuyake busalala ibwa Leza! Tu boola kokuno... .Lino, ikuti na tu yanda kuswaanana umwi aumwi, andi boole ku ng’anda yako, koboola ku ng’anda yangu, na kamuya ku ng’anda ya umwi aumwi a ku swaanana umwi aumwi. Pele buyo kulisangabalisisya koonse kwiinda mu mbungano, a kwaambaula a zintu mbuli zeezyo, tacili kabotu, bakwesu; tu boola kokuno, tu gusya cintu coonse mu mizeezo yesu. Ikuti na twa boola kokuno... .

¹⁵⁰ Amulange nzila mbo twa kali ku cicita myaka yainda. Mucizi Gertie wakali sikulizya piyaano. Cindi Ne kali kweembela okuno, Nda—Nda kacita kuba mweembezi, daikona, musyomesi, zintuzyonse zimbi acindi comwe, mwabona, pele Nda—Nda ka cicita. Lino ta mweelede ku cicita mu nzila eyo, mwabona, nkaambo muli jisi bamaalumi kuzwidilizya ceeci. Pele cindi i... .Nda kajisi maasha, Mukwesu Seward a boonse babo ku mulyango. Ba kajisi mabbuku aka lundikidwe oonse awo ku mulyango, kkede mu cuuno, na cintucimwi, cimbi. Elyo cindi umwi anjila, mwaka batondezya busena bwa kwaanzikila mabbaki anu na kuba gwasya kuya ku zyuuno zyabo, a kubapa bbuku lya nyimbo a ku balomba “kuba mu mipailo.” Elyo mpawo bantubonse bakkala mu zyuuno zyabo a kupaila kaziizi kusikila ku ciindi cakutalikila. Mwabona? Elyo mpawo ku ciindi cakutalikila, Mucizi Gertie, sikulizya piyaano, wakaya atala awo a kutalika ciimbo kakutanaba... .cindi bantu ba—ba no boola antoomwe.

¹⁵¹ Nda yeeyela kuti mube a sikulizya organi wanu kunyamuka okuya a ciimbo cibotu ncobeni. Ikuti na takonzyi kubako, amucibikke aa teepu elyo mpawo kucilizya, na cintucimwi cimbi. Elyo amube ciimbo, a ciimbo cibotu ncobeni cisetekene kacilila. Aboobo . . . Elyo amulombe bantu . . . Elyo ikuti na bantu batalika kwaambaula a kulilemeka kumwi mbuli boobo, alekwe daikona umwi anyamuke kuyaku maikrofooni kutala okuya ku desiki a kwaamba, “shi, shi, shi,” mbuli boobo. Kwaamba, “Ku cikombelo okuno, tu—tu muyanda kuboolela ku komba. Tu ta pangi coongo lino, amuswiilile ku ciimbo. Amujane zyuuno zyanu, aku kkala, amuli lemeke mwabona, kupaila na kubala Bbaibbele. Obu, mu buyake busalala okuno, nkooko Mwami nkwa kkala. Elyo tu yanda bantubonse kulilemeka a kukomba, kutali kuzuzaana koonse, kwaambaula kakutana kuswaangana. Amuli bunganye nobeni, alimwi mubola kokuno kwaambaula ku Mwami. Mwabona? Kosala kuba mu mupailo wa kaziizi, wabona, na kubala Bbaibbele lyako.”

¹⁵² Cindi Ne kaunka ku mbungano ya Marble kutala okuya ku i . . . Norman Vincent Peale, mwa kamumvwa, nywebo mwabona. Elyo Nda kanjila mu . . . Mwiiyi mulemu, wakulilemeka kwaboongo, nywebo mulizi. Elyo Nda kanjila mu mbungano yakwe, Nda kayeeya buyo, okuya, “Nda kalombozuya kuti cikombelo cangu nicakacita boobo alubo.” Balo bamadaikona bakaliimvwi nkoonya okuya ku mulyango mbo njilila buyo. Ba, mubwini, bala kupa kapepa ka cikolo ca Munsondo, ku kutola mane wakkala. Wa kacita kucisukumuna ziindi zyotatwe, nywebo mulizi, yakali kukkwana buyo batandila ku myaanda yone na yosanwe, nywebo mulizi; a busena bupati bwa New York, alimwi muntu wampuwo. Elyo Ndi yeeya kuti bakacita kuba a kkilasi yomwe a teni kuloko a yomwe a leveni, nkambauko njiyonya kuloolola ncobeni alubo, kuswaangana nkukonya kwini, cibeela capepa nciconya. Pele niba kamwaika, elyo baka jisi (Nda syoma) maminiti osanwe aa mbungano kuba mbubonya . . . Taakwe muntu umbi wakali kukonzya kunjila kusikila bazwa, mpawo bamadaikona ba kajula nzila elyo mbungano imbi ya kazuzya koonse. Ba kajisi zyuuno zyakaindi zya mu mabbokesi, nywebo mulizi, bala njila mbuli boobo, aku kkala zidangamwa awo mpo jula mulyango. Yabupange bwakaindi, yaliimvwi okuya kwa—kwa myaka ili myaanda yobilo, Nda yeeyela, mbungano yakaindi ya Marble njo ijisi.

¹⁵³ Elyo nokamvwa ka pini kakawa busena buli bonse mu mbungano eyo, elyo bantubonse mu mupailo kutalela ku maminiti ali makumi otatwe kakutanaba kulila komwe kusola kuuma aa organi, ntalisyo ya lwiimbo. Mwabona? Elyo bantubonse mu mupailo buyo. Nda kayeeya, “Obo mbocili cibotu!” Mpawo cindi oyo mukutausi . . . Eyo ntalisyo ya lwiimbo, kutandila . . . Ndi yeeya kuti bakalizya ntalisyo yomwe ya lwiimbo kutandila maminiti otatwe kusika kuli osanwe,

Obo Yebo Mboli Mulemu, na cintucimwi mbuli ceeco, kuyabuya mbuli boobo. Elyo mpawo cindi niba kacita, bantubonse kaleka kupaila, kali kuswiilizya ku ntalisyo ya lwiimbo. Mwabona, cipa kucinca, kuzwa ku mupailo kuyaku ntalisyo ya lwiimbo. Elyo mpawo cindi niba kalizya olo, mpawo musololi wa kkwaya wakalailila kkwaya. Mpawo ba kaimba nyimbo a mbunga a kkwaya. Elyo mpawo bakali libambilide ku kkilasi ya cikolo ca Munsondo. Mwabona? Elyo—elyo mpawo cindi nicakamana, taakwe cakali kucitika kunze lya kukomba kwa Buleza, ciindi conse, nkabela nkekaambo nco twi inkila okuya.

154 Elyo Ndi yeeya kuti inga caba cintu cibotu ikuti na mbungano yesu. . . Elyo Nda amba buyo eci, swebo, kale, tuyo cicita. Mwabona? Atu cicite. Ikuti na muntuumwi wacita cili coonse, a kwaamba, kuti, “Ndi yeeya kuti inga caba cintu cibotu.” Ikuti na ncintu cibotu, mpawo atu cicite. Mwabona? Ta tuyandi kuleka cintu cili coonse cibotu, tuyo cicita, nekuba. Mwabona? Elyo amu zumanane buyo a—a kwiimikila okuya alimwi—alimwi ikuti na batalika cifumo, na cintucimwi mbuli ceeco, bantu kabaswaya, amuleke buyo omwe, na umwi wa i—umwi wa bamadaikona, na muntuumwi kuunka kuya atala awo a kwaamba, “Wa kabambwa kuba mulao mu cikombelo omuno. . .”

155 Ta ndizi na bala cicita, ndiza—ndiza balacita. Inga nseli kokuno, nywebo mwabona, Ta ndizi. Inga nseli kokuno kakutanaba kuswaangana.

156 Elyo cindi ba njila a kutalika kwaambaula, akwiinke muntuumwi kutala okuya a kwaamba, “Shi, shi, shi, kwakaindi kaniini.” Mwabona? Akube i—akube i. . . Amujane mucizi musyoonto, amumubikke kutala okuya a kumu bamba kulizya ciimbo eco. Ikuti na tamu citi, amucibikke aa teepu a kwiibikka okuya, mwabona ya ciimbo ca organi. Elyo kwaamba, “Lino tu. . . Kuli mulao mupya mu cikombelo. Cindi bantu banjila omuno, ta tweelede kuvwiyavwiya, kwaambaula, cita kukomba. Mwabona? Lino, kwa maminiti masyoonto buyo kuswaangana kulatalika. Kusikila eelyo, kobala buyo Bbaibbele lyako na kukotamika mutwe wako a kupaila kaziizi.” Elyo ziindi zisyoonto mbuli boobo, boonse bala iya. Mwabona? Mwabona?

157 Wa mvwa muntuumwi kaambaula, mpawo ikuti na kwazibwa ku, kwainda ziindi zisyoonto mbuli boobo, kwainda kaindi wasika awo muntuumwi mpabede, mpaamba, bona muntuumwi ulambaula, taakwe umbi waambaula, nywebo mwabona, ee, mpawo umwi wa bamadaikona waunka kumbele a kwaamba, “Tu—tu yanda kuti kamukomba kuciindi ca kuswaangana.” Nywebo mwabona? Mwabona? Mwabona, taili ng’anda ya kwaambawida, ni ng’anda ya kukombela. Mwawwisya?

Ndi yeeya kuti wali nguwo. **Akaka pandulula . . . Inzya. Atu bone. Inzya. Akaka pandulula nzila ya . . . bamadaikona mbo beelede . . . mu buyake busalala. Inzya, kwa mana. Mbo mbubo. Ngo nguwo.**

Yaa, lino, ngooyu wa mamanino.

235. Mukwesu Branham, cindi notwa ka jisi ziindi zyelelela ku matalikilo aa kuswaangana . . . Ndili—Ndili . . . i mato . . . Peepe, . . . twa ka jisi matongausi . . .

Kalembedwe tuniini maningi. Elyo ka “**jisi matongausi,**” embo na? [Mukwesu Billy Paul waamba, “Uh huh,” a kuzumanana kugwasilizya Mukwesu Branham kubala bulembo bunini—Mul.]

. . . jisi matongausi ku matalikilo aa kuswaangana. Tu jisi . . . Atu bone. Tu—tu—tu jisi inyimbo, bumboni, a mipailo, a nkumbizyo zya mipailo, kwiimba kusalesale, a m-a- . . . ambweni kwijana . . . mu mulumbe a leveni, kuya . . . na kwamana, pele tatu jisi ciindi cinji ca Ijwi. Bantu bamwi balimvwa kukatala a kuzwa kau—walo ngu . . . kautana—kautana ku mana. Walo . . . Akaka pandulula na ni inyimbo zyangaye, alimwi ciindi cakutalika mulumbe. Elyo zimwi—ciindicimwi tujisi nkumbizyo zya mipailo—mipailo elyo zigolela buyo mukuba muswaangano wa bumboni, zintu zimwi ezyo—ezyo zitabi . . . zita boneki kululama ku ciindi.

¹⁵⁸ Lino, Nda syoma Nda umvwa oyo. Billy usoleka kundi gwasya kuno. Ku teepu, nywebo mwacita . . . muntuumwi mu muswaangano, mu kuswaangana, mu swiilile eci mbili mbo cakabede, ngu Billy usoleka kundi gwasya kuubala nkaambo ulembedwe tubala tuniini, loko loko, elyo Tii nda cikonzya kuumvwisya. Ndi jisi muzeezo wa koonse, mu, kuti, “Ni inyimbo zyangaye nzyo tweelede kwiimba kakutanaba kutalika kuswaangana, a ciindi nzi kuswaangana no kweelede kutalika?”

¹⁵⁹ Lino, cintu citaanzi nce Ndi yanda kubamba kuno nku lyaambilila. Elyo cindi Nda lubila, Ndi yanda kuzumina kuti “Nda lubila.” Mwabona? Elyo Ndi—elyo Ndi—Ndiyo bamba ku lyaambilila okuno kuti “Ndi baanga musyobo wa musololi oyo.” Nkaambo cali kujata kuswaangana oku kulamfu a zintu, nci ca njizya mbungano eyi mu cilengwa eci, mwabona, cakucita boobu, pele ta ceelede kuba. Elyo lino, amuyeeye, Ndi jisi . . . Ndili . . . Kali ku mwaambila nyoonse, “Masiku Munsondo, ikuti na Mwami wayanda, masiku Munsondo, kuti, Ndi sola kubikka mu zyaabilo miswangano yangu kuzwida ino, ikuti na Nde elede kukkala nsondo imbi, kuya kutandila makumi otatwe na makumi one ku ciindi cilamfu maningi ku miswaangano yangu.”

¹⁶⁰ Nkaambo Nda kajana eci, oko kuswaangana kuli . . . Ku laima, nkabela mulumbe ulapegwa mu nguzu; ikuti na wai ndilizya maningi, ulapa bantu kukatala nkabela taba umvwi.

I kaambo Nce likupa . . . Nda kalicizi eco kuzwa ku matalikilo. Mwabona? I basikubandika bazwidilila maningi mbaabo bajisi ncobeni . . . Jesu wakali Muntu wa majwi masyoonto, amubone nkambauko Zyakwe. Amubone nkambauko zya Paulo. Aa Buzuba bwa Pentekoste, antela kwaka mutolela maminiti aasika ku kkumi aosanwe, elyo wa kaumputa i . . . okuya, cintucimwi caka—caka—caka tuma bantu bali zyuulu zyoatatwe mu Bwami bwa Leza. Mwabona, kugama nkoonya ku kaambo keni. Mwabona?

¹⁶¹ Elyo Ndi—Ndi jisi kuzulwa. Nkaambo, kaambo nce Nda citila ceeci, takuli kuti Nse kazi lwaandano, pele Ndi panga mateepu, mwabona, a mateepu aya ayolizigwa mu maanda kwa maora a maora. Pele mbuli mbo muyo ziba, Munsondo muboola, kaambo nce Nda kacitila, Munsondo omu muboola, kaambo nce Nda kacitila zintu ezi . . . Inga akwalo ndacaamba mpoonya awa aa teepu. I kaambo nce Nda kacitila eci nkaambo mukuli oyu mupati aali ndime ku Mulumbe wa oora eli, kuti Upegwe. Lino Mulumbe wapegwa, lino Ndi tola maminiti ali makumi otatwe na cintucimwi mbuli ceeco, kumane kutalika kwa mwaka, mu miswaangano yangu kumasena mu i . . . koonse Nkwe unka, a kusola a kutaima akwalo nkoloko yangu mu maminiti ali makumi otatwe, na kutaindilila ku makumi one kutaindilila; kuumpu ku Mulumbe oyo, a kubamba lwiito lwa ku cipaililo ikuti na Nda . . . na kufumbwa Nceyo cita, na kwiita mundando wa mipailo; kutali kutola ciindi eco cinji, nkaambo ubamba bantu kukatala. Ndi lizi obo.

¹⁶² Pele amulangisye awa. Nda yeeyela, mu mwaka, taakwe notwa kajisi bantu banji baka nyamuka a kuzwida aanze, alimwi ziindizimwi Nda bajata okuno kwa maora obile na otatwe. Mwabona? Mbo mbubo. Nkaambo kwali kupanga mateepu aya alo ainka ku inyika yoonse, mwabona. Elyo bantu kumasena okuya, bayo kkala kwa maora a kuswiilila kuli Ngawo; bakutausi, akumwi kumbi, Germany, Switzerland, Africa, Asia, a koonse, mwabona, kuswiilila kuli Ngawo.

¹⁶³ Pele, mwabona, ku buyake busalala, ku mbungano . . . Elyo eco cili luleme. Ikuti na muli okuno kopanga teepu, elyo ujisi teepu ya maora obile, bikka mulumbe wama oora obile ali njiyo; pele ikuti na toli mukupanga teepu ya cintucimwi mbuli ceeco, nkokuti kosola mulumbe wesu, mwabona, kosola mulumbe wesu kuteeti uceye. Nda mwaambila kaambo, kuli bamwi bazula kumaninina cabuubauba, bamwi batola ciindi cilamfu kuzula kumaninina, mwabona, mbuli boobo, elyo weelede kubotelwa akati boobo.

¹⁶⁴ Elyo lino, ziindi zinji nzyo tunyonganya milumbe yesu nkwiinda mu kutola ciindi cinji ku muswaangano wa bumboni, eco Ndi lizi Ndi jisi kuzulwa kucicita. Elyo mwainka kumasena cindi ni mwakali kuba a miswaangano ya mu tugwagwa, a kulekela mukwesu umwi mudaala kubusena okuya, nkabela uyo

ima kubusena. . . Elyo kumulomba kupa ijwi lya mupailo, elyo uyo kombela meya wa dolopo, a mulangi wa cisi, a Muleli wa cisi ca Lusangano, a—a bantubonse mbuli boobo, a beembezi boonse baliko, nywebo mulizi, umwi aumwi ku mweelwe, a Mucizi Jones uli mu cibbadela, a zintu mbuli ezyo; a bantu kabaimwi, kweenda muni lya muswaangano waku kagwagwa, ba buyo, zumanana—buyo zumanana kweenda. Mwabona? Wa kababamba kukatala. Tu buyo, nekubakuti. . .

¹⁶⁵ Mwabona, cintu cipati lino, mupailo wako weelede kuba wamu wisidwe, mupailo wako, wini mulamfu. Kukomba boonse. . . Konjila mu busena bwa kampetu, jala citendele. Oko nkoyanda kukomba buzuba boonse, masiku oonse, na maora obile, kokomba omuya. Pele mukati omuno, oko nko jisi kupakamana kwa bantu, kobamba mupailo wako kufwiimpa, kubinda, kuli nguwo. Kobamba kuswaangana kwako koonse. . . Elyo bikka bunji bwa ciindi cako ca kuswaangana mu Ijwi eelyo. Eco nce cintu cipati! Umputa a Ijwi eelyo canguzu mbuli mbo konzya, wabona, kopa Ijwi ku bantu.

¹⁶⁶ Lino, ngooyu muzeezo wangu. Lino, lino amuyeeye, Nda lyaambilila kuti Nda zulwa ku kusololela eci lyoonse. Pele mpawo Nda mwaambila kaambo nce Nda kacisololela lyoonse, Ndi panga mateepu aa maora obile ayo tuminwa ku zisi zimbi a koonse, kwa Mulumbe, nywebo mwabona. Pele mbungano ta yeelede kuyiya ceeco (mulumbe okuno ku cikombelo) kwamana mateepu alo (maora obilo) kaunkide mu masena, mwabona, a kuya kumasena mbuli boobo.

¹⁶⁷ Lino, ngaaya malailile anu. . . Andi mupe buyo mukozyanyo. Sena inga caba kabotu, muzeezo? Nda ambe kuti mbungano yeelede kuba milyango yayo kajulidwe ku ciindi cimwi, akube kuti mbunga injile, akube kuti inyimbo zili zigwe. Elyo akube kuti bantubonse banjile kukomba, kutali kuswaya. Elyo muta balekeli kuswaya kwamana, amu baambile “Amumwaike a kuzwa, kutali kuswaya. Ikuti na uyanda kuswaya, nkookuya koonse anze. Pele obu mbuyake busalala, atu bambe obu kabusalala.” Lino, ikuti na Muuya wa Mwami ulabeleka okuno, atu bambe Muuya wa Mwami. Mwabona? Elyo—elyo Iyo zumanana kweenda. Ikuti na tamuciti, amulangisye buyo majwi angu, ci yoowa; ciyocita ncobeni. Elyo atu cibambe, ni ncito yesu, nke kaambo Ndili waano sunumasiku. Amu bambe buyo cintu eci ka ceendelana a a aya—a aya malailile.

¹⁶⁸ Lino mulange, inga Nda amba ceeci. Mbulilyonse, ikuti tii twa vozya kapati. . . a kubaambila kuti muyo teping’a mulumbe. Mwabona? Lino, ikuti na Mukwesu Neville ujisi mulumbe awa oyo ngwa. . . ujisi mulumbe ngwa yanda kupa ku bantu, kuya a teepu, na cintucimwi, kwaamba, “Lino, Munsondo muboola masiku tuyo teping’a teepu ya mulumbe wa maora obilo,” teepu ya maora otatwe, na cintu—na cimbi. “Tu yoopa teepu ya maora obilo na otatwe,” na kufumbwa

mbokunga kwaba, “Munsondo muboola masiku.” Elyo mpawo bantu baziba. Elyo mpawo cindi banjila, kwaamba, “Lino, tuyo teping’ a mulumbe sunumasiku. Elyo Ndi jisi mulumbe awa ngwe yanda kuti Ndu teping’e a kutumwa kumwi. Nda kali . . . Nda limvwa kusololelwa kutuma mulumbe kumwi. Elyo uyo teping’ wa, ambweni inga uyooba maora obilo, maora otatwe, na kufumbwa mbo cibede.” Koamba eco.

¹⁶⁹ Pele, mbulilyonse, mbubonya Mbwe cita cindi ndaunka mu busena mbuli bumwi bwa miswaangano ya Bantu Basimakwebo, na Ndili kokuya mu miswaangano yangu okuya mu mundando wa mipailo. Ikuti na Nda imikila okuya a kupa mulumbe wa maora otatwe wa busiku ku kakutanaba kuswaangana kwa kuponesegwa, mulabona awo mpo cindibikka? Mwabona? Baa, bantu, masiku aatobela mbunga yako iba acisela ca mbo yakabede. Mwabona? Nkaambo taba konzayi buyo kucicita, baelede kwiinka kuncito a zintuzyonse.

¹⁷⁰ Inga ndayeeyela boobu, kuti mbulilyonse . . . Lino, Nda kalangilila Mukwesu Neville masiku aida cindi na kakambauka. Lino, Ndi zyi kuti toonse tu lizyi kuti wali mulumbe ugambya. Nda kabweza bulembo bwakwe, bujisi kuno mu nkomo yangu, kuyo bubelesya mu milumbe imwi yangu ini. Mbo mbubo. *I Nzila ya Kulobokela*, mwabona, alimwi wakali mulumbe mubotu loko. Nywebo mwabona mbuli mbwa kafwambaana kuumanizya? Mwabona, kutandila maminiti ali makumi otatwe aosanwe, mwabona, elyo wa—elyo wa kaugozya. Mwabona? Lino, oko kwakali kabotu. Lino, a Mukwesu Neville, kanjikanji milumbe yakwe ili boobo. Mwabona, taili yeeyo milamfu. Mwabona? Pele awo mpo mujaya muswaangano wanu nku kwelelezya zintu kotana sika kuli nguwo. Mwabona?

¹⁷¹ Lino, elyo—elyo awo mpomucita boobo . . . Lino, Ndi lizyi, alimwi lino amulange, Ta—Ta ndaambi munzila yakutalemeka, kuli ndinywe no basyomesi, na bamadaikona, na—na mweembezi, pele Ndi mwaambila buyo: kubona eco ca Bwini, alimwi obu mbo ceelede kuba. Lino, nywebo . . . Ncinzi nco cicita? Lino, bantuboonse, nywebo nyoonse, mupangidwe kabotu, umwi aumwi wanu na baalumi mupangidwe kabotu. Ikuti nikwaatali boobo, inga Nda amba, “Boonse cita Mukwesu *Nini-a-nini*, ujisi bulenge bubotu, toonse tula mukombela.” Pele mu—mu jisi bupange bubotu, alimwi mu jisi kukkazikamyoyo, buuya, baalumi bamwi batontozi. Nkubotu oko, pele mutabi basibwanakazi a ncico.

¹⁷² Jesu wa kapangidwe kabotu, awalo, pele nicakasika ciindi ca kwaamba zintu, “Kuli lembedwe, ‘Ng’anda ya Taata Wangu ya kabambilwa kuba ng’anda ya kupailila,’ elyo nywebo mwa ibamba kuba kkoba Iya babbi.” Mwabona? Mwabona, Wa—Wa kalizi cindi ca kwaamba a cindi ca kutaamba. Obo mbo—obo mbo—obo mbo twe elede kucita. Mwabona? Taakwe nikwakali, kwakali muntu wakali mbuli Jesu, Wa kali Leza. Elyo amuyeeye,

Walo akwalo... Mwaambaule kujatikizya kuba daikona mu mbungano, Wa—Wa keendelezya! Wa koosa intambo zimwi antoomwe, elyo Ta kalindila kubeenzya kuzwa kabotu pe, Wa kabauma kuzwida anze, mwabona, mbuli ng'anda ya Leza. Elyo Wa kali kukutauka cibeela ca daikona, kupa mukozyanyo kuli *ndinywe* no bamadaikona. Mwabona, Wa kali Mukozyanyo wanu. “Elyo lino, kuli—kuli lembedwe, ‘Ng’anda ya Taata Wangu ya kabambilwa kuba ng’anda ya kupailila.” Lino, amuyeeye, Jesu wakali Daikona kaindi, nywebo mulizi obo, Jesu wakali kutola cibeela ca daikona.

173 Cindi Na kaboola ku cibeela ca mweembezi, ncinzi Nca kaamba? “Nywebo noba Farisi boofu, basololi ba boofu!” Mwabona, Wa kali kutola cibeela ca mweembezi, kaindi.

174 Elyo cindi Na ka baambila ceeco cakali kuyo citika, Wa katola cibeela ca musinsimi. Mwabona?

175 Elyo niba kayanda kuti kwa keelede kubbadelwa imutelo, Wa katola cibeela ca musyomesi, “Petro, koya kunselelo a kuyo fusa kalobo mu mulonga, elyo nswi ntaanzi njoyo nuna ijisi ka kkobili mu mulomo wayo. Kaba bbadele, mwabona, amubbadele nkongole zyanu ziluleme.” Kati, kuli ndiswe, “Amupe Kaisala eco ca Kaisala, ca Leza eco ca Leza.”

176 Wa kali koonse Mweembezi, Musinsimi, Musyomesi, a Daikona. Masimpe mbwakabede! Aboobo mpawo mwabona eco Nca akacita, akube kuti oyo ube mukozyanyo wanu mu ng’anda okuno ku Cikombelo ca Branham, kuti tu yanda kuba ng’anda omo Mwa yolemekwa mu zintuzyonse, a ofesi aimwi, busena abumwi, kutegwa kutabi kujosya musule. Kube buuya, a bubotu, a luse, pele cigaminina a mu bweende buli kabotu, muntu aumwi aa mulimo wakwe wa bulizi. Mwabona? Nje nzila, nje nzila Mbwa iyanda. Ta ka tebela. Cindi casika ca kwaamba, kwiita eco *cintu* cakali *cintu*, Wa kaciita. Cindi nicakasika ca kutondezya buuya, mpawo Wa katondezya buuya. Wa kali mubotu, siluse, uumvwisya; pele silusinizo, a zintuzyonse zyakali luleme mbuli mbo kweelede kuli Nguwe, nkabela Wa kacita eco ku mukozyanyo wanu. Lino, Muuya Uusalala wazwa akundipa eco. Aboobo taakwe Ni ndayeeyede kujatikizya ceeco, Walo mukuba Daikona, kakutanaba, pele Mbwa kabede. Mwabona? Wa—Wa kacitaula mbuli daikona, kaindi.

177 Lino, inga Nda amba ceeci, kwaamba ikuti na kuswaangana kwanu kutalika a seveni theeti, ikuti na eci nco ciindi, amujule mbungano yanu cisela ca oora ciindi kacitanasika, seveni kuloko. Alekwe sikulizya piyaano... Amwaambile sikulizya organi... Sa mula muvozya? Sa nyoonse mula muvozya sikulizya organi? Sena ula vozegwa, na sikulizya piyaano? Ula cicita mukutavola? Amu lombe ca buuya. Nekubakuti uyanda kuvola kuli nkuko, ku mupa cintucimwi kuli nkuko, amu mwaambile kuti tula muyanda cisela ca oora kakutanaba kuswaangana.

Elyo ikuti na waamba kuti, “Ee, Nse konzyi ku cicita,” na cintucimwi, tongausi, mpawo aboole buyo okuno a kupanga teepu ya ciimbo cimwi cibotu caku organi. Nywebo mwabona? Elyo kube . . . amubikke eyo a i . . . Ta elede kuba kokuno ciindi coonse, amubikke teepu yanu. Mwabona? Alekwe umwi wa bamadaikona, musyomesi, na kufumbwa oyo ujula mulyango, sikubamba buyake, aibikke kailila atala awo, teepu kailila, alimwi ailekwe kailila kuciindi bantu bano boola. Mwabona? Nkaambo ikuti na bamadaikona tabako, na muntumwi, alekwe, musyomesi na muntuumwi kuba kokuno kucicita, mpawo abalekwe bailizye kwa cisela ca oora.

¹⁷⁸ Pele seveni theeti cigaminina, akube kuti mulangu ulile atala aa buyake. Mwabona? Sa mucu ujisi mulangu wanu atala awo? Inzya. Yaa, akube kuti mulangu wanu ulile a seveni theeti, nkabela eco caamba kuti tatu keendi oku akooku mujulu mu mbungano a ku sukana maanza a bana Jones a boonse babo. Alekwe sikusololela nyimbo abe a ncito! Ikuti na taakwe sikusololela nyimbo oko, ba bamadaikona balanganye eco oko . . . na i . . . kubona kuti kuli muntuumwi wakatalika kusololela nyimbo cindi mulangu oyo watalika kulila. “Amujule ku bbuku lya nyimbo zyakutembaula, mweelwe uli *boobu-a-boobu*.” Mwabona? Aibe mbuli mbo kweelede a—a seveni theeti.

¹⁷⁹ Yaa, mpawo amube a lwiimbo lwa mbunga, elyo mpawo ambweni lwiimbo lwa mbunga lwabili, elyo mpawo amube a muntuumwi waambidwe kale, ikuti na mulakonzya, kusololela mu mupailo. Alekwe i—i mweembezi, na, fumbwa . . . Ee, mweembezi ta elede kubako, i—i sikusololela nyimbo weelede kucita ceeco. Walo Mukwesu Capps, Mbwe yeeya. Mwabona, inga waziba ca kucita, alekwe—alekwe abe a umwi waambwa . . . na asale kusololela mu mupailo mwini. Amubambe mbunga kwiimikila ku mupailo, mwabona, mwiimikile buyo, alimwi alekwe muntuumwi asololele mu mupailo. Lino, ikuti na tamulangilili . . .

¹⁸⁰ Lino, tu syoma kuti bantubonse beelede kuboola ku ng’anda ya Leza a kupaila, obo mbo i—obo mbo busena bwa kupailila. Pele cindi mwanoli mu buyake obo busalala, kamunonosya ciindi canu. Mwabona? Amubaite boonse kutala kuzunguluka cipaililo, muyo jana kuti kuyooba muntuumwi unoli kokuya kwa maminiti ali kkumi a osanwe, makumi obilo; ciindi canu coonse camana.

¹⁸¹ Oko nku kwanu, mwabona, kukomba kwanu kwaku ng’anda. Jesu wa kati, “Cindi mwapaila, muta imikili mbuli basikuupaupa mbo bacita, alimwi—alimwi kwa cilamfu . . . kupanga mupailo mulamfu, a kwaamba *eci*, *eco*, na *cimbi*, a—a koonse mbuli boobo ku kubonwa.” Mwabona? Wa kati, “Cindi nywebo mwapaila . . . kupaila, amunjile mu kampetu, kampetu kakumbali, amujale mulyango kusule lyanu; amupaile kuli Taata wanu oyo ubona kumbali, Uyo mulumbula caantagalala.” Lino,

nje nzila ya kuba a mupailo wa kumbali, ncencico Nca kaamba kucita.

¹⁸² Pele cindi nywebo, muntuumwi, cindi banjila, alekwe sikusololela nyimbo, aambe, “Yaa...” Kwamana lwiimbo lutaanzi, mpawo alekwe muntuumwi acite mupailo, kufumbwa mbwa bede, mupailo mufwaafwi buyo. Muta imikili a kukombela balangi boonse, a zintu zimwi mbuli ezyo. Ikuti na kuli nkumbizyo zya mipailo ziliko, aku zibwe, a zituminwe limwi, amuzibambe kazituminwe limwi. Ai lembwe, kwaamba, “Kuno.” “Bwa sunumasiku, mu kuba aa mupailo, tuli mukuyeyea Mucizi *Niini-a-niini*, Mukwesu *Niini-a-niini* mu cibbadela, *Niini-a-niini*, a *Niini-a-niini*, a *Niini-a-niini*. Amu bayeeye mu mipailo yanu mbuli mbo mupaila. Mukwesu Jones, tusololele mu mupailo. Atwi imikile.” Mwabona? Ai bikkwe a cibumbili. Amubaambile, aba zibile kuli ceeco, “Ikuti na ujisi nkumbizyo ya mupailo, koibikka atala *awa*, [Mukwesu Branham wakonkomona a cikambaukilo—Mul.] atala *awa*.” Mutano ambi kuti, “Nguni ujisi nkumbizyo lino, sa inga waizibya kwiinda...” Elyo mpawo, cintu citaanzi, muntuumwi wanyamuka a kuti, “Bulemu kuli Leza!” Nywebo mulizi, a kutalika mbuli boobo, a cintu citaanzi nywebo mulizi, ncisela ca oora kabatana kkala ziindizimwi. Mwabona?

¹⁸³ Tu jisi mulimo ku mbungano eyi, kutali bambi; oyu mulimo wesu kuli Leza. Aya maofesi nje milimo yanu kuli Leza. Mwabona? Kaambo Nce ambila okuno sunumasiku, kumwaambila zyoonse ezi, nkaambo kakuti mulimo wangu kuli Leza; akwalo mulimo wanu: Amu ucite. Mwabona?

¹⁸⁴ Lino, elyo cindi cintucimwi mbuli ceeco...alekwe muntuumwi asololele mu mupailo, alimwi cindi acita, eco cili kabotu, aba sololele mupailo, mpawo kukkala.

¹⁸⁵ Elyo ikuti na ujisi nsalensale...Lino, inga Nse amba eci, inga Nse zwidilizya...Elyo ikuti na kufumbwa muntu uyanda kwiimba nsalensale, a caambilizigwe mu mbungano. Amubaambile kuti “Kufumbwa zisalesale, na kufumbwa cintu eco ciyanda kwiimbwa, aba bone sikusololela mu nyimbo mbungano kaitana talika.” Elyo kuba a njiyo...Kwaamba, “Ee, Nda usa mukwesu, Ndi yanda...kasimpe kuyanda ku cicita, pele Ndi—Ndi jisi nsalensale yangu sunumasiku. Ambweni kuti wandaambila kuteeti uyoba kokuno busiku bumwi, Ndiyo ibikka a maccililanwa nkambo ka nduwe. Mwabona, Ndi jisi maccililanwa angu alembedwe awa.”

¹⁸⁶ Alekwe—alekwe Mukwesu Capps na kufumbwa oyo usololela mu nyimbo...Elyo amube a sikusololela mu nyimbo, tacikwe makani na nguni. Elyo muta balekeli kwiimikila a kwaamba, na kuzumanana mbuli kuti mbakambausi, mwabona. Aba imikile kutala okuya a kusololela mu nyimbo, nje ncito yabo.

187 Ni ncito ya mweembezi ku kambauka, mwabona, kutali kusololela mu nyimbo. Ta elede kusololela mu nyimbo, sikusololela nyimbo ngusololela nyimbo. Ulaa mulimo, alimwi weelede kuzwa cabupya kubweendezi bwa bunanike ibwa Muuya Uusalala, kuzwa mu ofesi omuya, kubusena kumwi, ciindi casika. Ta elede nokuba akwalo kuba a cibumbili, oku kwano citika. Akkale mu ofesi musule omuya, mwabona, na musule omu, na kufumbwa nkoibede, bubambe bwakukwabana buyocinjiza omuno, mwabona, ciindi casika. Cindi amvwa kooko kwamamanino . . . ikuti na kuli nsalensale, mbuli akaimbo kakulidomenena, kaimbo ka bantu bobilo, na cintucimwi, kwa lwiimbo lwanu lwatatu. Mwabona?

188 Mbokunga mwaimba nyimbo zzybilo zya mbunga, mupailo, mulumbo wanu ikuti na muyo ubwezelela. Elyo muntu aumwi abe a mulimo wa bulizi bwakwe. Kwaamba, “Yaa, kuciindi no twiimba lwiimbo olu lwamamanino, lino, ikuti bamaasha bayo, aba boole kumbele ku mulumbo waku mangolezya.” Mwabona? Elyo kuciindi nobamanizya lwiimbo olo, mbaaba bamaasha baliimvwi awa. Kwaamba, “Yaa, lino tu yooba a mupailo, a mu mupailo wa mulumbo, tu yanda kuyeeya *Niini-a-niini* awa, a *Niini-a-niini*,” amu bale eco, nywebo mulizi, mbuli boobo, mbuli boobo. “Yaa, nobantunyonse amwimikile. Mukwesu, sa inga watusololela mu mupailo?” Mpawo koonse kwamana.

189 Mpawo kuciindi banoimba lwiimbo olu lwabili, na kufumbwa ndo mwiimba, mula, ikuti na nkusala, ku bwezelela mulumbo wanu, ikuti na muyo bwezelela mulumbo wanu. Mu uleke . . . Inga ndabweza lwiimbo lwanu lutaanzi, elyo mpawo kuba aa mulumbo waku mangolezya, elyo mpawo kuzumanana a lwiimbo lwanu lwabili, elyo mpawo kuyakuya kulumanizya. Mpawo amulekele lwiimbo lwanu lwamamanino awa, amulekele lwiimbo lwanu lwamamanino, mwabona, lube lwakwiita mweembeli. Elyo ciimbo camamanino mbo camanina kwiimbwa, amulekele organi kutalika a ntalisyo yalwiimbo lwanu—lwanu—lwanu, mweembezi wanu wayutuka. Mwabona, zintuzyonse mu malailile. Bantubonse baluumwine. Takukwe cintu cimbi caambwa. Daikona aumwi ku mulimo wa bulizi bwakwe. I mweembezi waima awo.

190 Wazwa, wajuzya bbunga lyakwe lyabantu, jula ku Bbuku lyakwe a kwaamba, “Sunumasiku, tu bala kuzwa mu Bbaibbele.” Mwabona, amana kucibamba, “Tu bala kuzwa mu Bbaibbele.” Kwalo ncintu cibotu ciindicimwi ikuti na waamba, “Mu kulemeka ku Ijwi lya Leza, atwi imikile ku matende esu kuciindi notu bala Ijwi.” Mwabona, mpawo bala, “Sunumasiku, Ndi bala kuzwa mu Bbuku lya Ntembauzyo,” na kufumbwa mbolibede. Na kusala muntuumwi kuli bala, sikusololela mu nyimbo, na ubelekwa awe, muntuumwi awo a nduwe, ali bale, kufumbwa; kwalo ncibotu maningi ikuti walibala lwako, ikuti na ula konzya. Mpawo libale mbuli boobo, mpawo bweza cibalo

cako. Mwabona? Mu ciindi cili boobo, watola kutandila maminiti ali makumi otatwe, casika mpawo a eiti kuloko.

¹⁹¹ Elyo kuzwa eiti kusika kutandila kkota mane naini, ku busenabumwi akatikati ka maminiti ali makumi otatwe a makumi one aosanwe, bikka Ijwi elyo omuya mbuli buyo Muuya Uusalala mbuwapa kuli nduwe, mwabona, mbubonya buyo obo, bikka buyo moonya mu nzila Mbwa amba ku cicita, mwabona, kungsi kwa bunanike.

¹⁹² Mpawo bamba lwiito lwako lwaku cipaililo, amba, “Ikuti na muntu uli oonse omuno mu mbungano eyi oyo uyanda kutambula Kristo mbuli Mufutuli, twa kulomba, kutamba ku cipaililo ndyoonya lino, imikila buyo ku matende ako.” Mwabona?

¹⁹³ Elyo ikuti na—ikuti na taakwe wiimikila, amba, “Sa kuli muntu uli oonse awa ulibambide kuya ku lubbizyo, oyo wakeempwa kale, nkabela uyanda kubbizigwa mu maanzi ku kulekelelwa kwa zibi? Ikuti na bayanda kuboola, twa mupa ciindi ceelede lino. Sa inga mwaboola kuciindi organi noicilila?” Nywebo mwabona?

¹⁹⁴ Kwiina muntu uboola, amba mpawo, “Sa kuli muntu uli oonse awa oyo unga . . . oyo utana tambula Lubbizyo lwa Muuya Uusalala nkabela inga wayanda kucita boobo sunumasiku, inga wayanda kuti tuku pailile?” Ee, ambweni muntuumwi waboola atala, mpawo lekela bobilo na botatwe babikke maanza ali mbabo, ku bakombela. Amuba tumine nkoonya kusule muli kamwi ka twaanda, muntuumwi omuya a mbabo, kubalailila kubusena bumwi obo bwakuzwidilila ku lubbizyo lwa Muuya Uusalala. I mbunga yoonse ilikule maningi kuli mbabo.

¹⁹⁵ Ikuti na muntu uli oonse waboola kuba . . . yanda kutambula Kristo a kwiimikila awo a cipaililo kuti apaililwe, bamba kwako . . . abalekwe bapaile. Elyo cindi ba cita, amba buyo, “Amukotamike mitwe yanu lino, tuyo paila.” Elyo koamba, “Sa mula syoma?”

¹⁹⁶ Ikuti na ncintu ciniini cili coonse cinga cacelezya mbunga mu nzila ili yoonse, mubatumine moonya mu kaanda ka mipailo, a kunjila omuya a mbabo, na kotuma muntuumwi omuya a mbabo. Elyo ailekwe mbunga kaiyabuya, mwabona, mbuli boobo, taakwe mpo mwaba musya mpawo. Mwabona?

¹⁹⁷ Elyo mpawo kuciindi . . . kakutanaba . . . Mu i—mu masyoonto . . . mpawo ikuti na ba, amba, ikuti na kwiina muntu wasika, mpawo amba, “Sa kuli muntuumwi oyo unga wayanda kunanikwa mafuta sunumasiku, nkambo ka malwazi abo? Tula kombela balwazi okuno.”

¹⁹⁸ “Ee, Nda yanda ku kubona cakumbali, Mukwesu Neville.”

“Ee, undibone mu ofesi. Bona umwi wa bamadaikona, bayo cilanganya, mwabona.” “Elyo Ndi jisi cintucimwi eco Nce yanda ku kwaambila, Mukwesu.”

“Ee, umwi wa bamadaikona awa uyo kugwasya kuya ku ofesi, elyo tuyo. . . Ndiyo kubona mpoonya buyo kuswaangana kwamana.”

199 “Lino, mbuli mbo tuyo imikila lino muku mwaika.” Mwabona, elyo tii mwindilizya ku oora a maminiti ali makumi one aosanwe mu cintu coonse. Mwabona? Mwabona, oora a maminiti ali makumi otatwe, kuswaangana kwanu kwamana. Wa jisi kuumputa, kuniini kufwambeene; mwa—mwa cipa mbo cicitwa; mwa cita i. . . alimwi bantubonse bakkutula, a kuunka ku muunzi kabali mvwide kabotu. Mwabona? Ikuti tamuciti, mpawo, nywebo mwabona, ikuti na walekela. . . Mwabona, nywebo—nywebo—nywebo mukanzila kabotu, mwabona, pele mwabona. . .

200 Nywebo mulizi, oku nkutandila myaka ili makumi otatwe ayotatwe mu cibumbili eci kuli ndime, myaka ili makumi otatwe ayotatwe, a ku inyika yoonse. Ulaiya cintucimwi ciniini mu ciindi eci cinji, masimpe. Mwabona? Ikuti na to citi, ncibotu waleka. Aboobo mpawo, mwabona, Nda kajana eci. Lino, ikuti na ubeleka buyo a Basalali cakumaninina, bantu, inga wakkala busiku boonse ikuti na wali kuyanda. Pele uli. . . Mwabona, tobeleki a mbabo ncobeni, usola kucega zeezi awa. Mbaaba bamwi mbo mucega, weeleda kubeleka mu masena abo. Mwabona? Elyo ta. . . Balete omuno alimwi lekela Ijwi liboole, elyo mpawo, mwabona, taakwecintu cikonzya kutongookwa. Ikuti na kuli cintu cili coonse nco bayanda ku kubona kujatikizya, ee, ncibotu, batole moonya mu ofesi mbuli boobo, pele uta jati mbunga kwacindi cilamfu.

201 Mpawo, nywebo mulizi, bantu bayo nyamuka a kwaamba, “Ee, Ndi kwaambile, atube aa muswaangano wa bumboni bubotu.” Mwabona? Nsya ambi basikujana butongo bali boonse ali ceeci, Nda amba buyo kumwaambila Bwini. Nda amba kumwaambila Bwini. Mwabona? Nda kajana miswaangano ya bumboni ya maningi. . . ila—ila nyonganya maningi ziindizinji kwiinda kucita bubotu. Mwabona, ilacita ncobeni.

202 Lino, ikuti muntuumwi inga waba aa bumboni bunoneezya mu ciindi ca lubukulusyoy, nywebo mulizi, mujisi lubukulusyoy kalucitika, nywebo mulizi, muswaangano, nkabela muntuumwi wafutulwa elyo uyanda buyo kwaamba ijwi, ee, kulongezya Leza, amu muleke alongolole buntu bwakwe. Nywebo mwabona? Ikuti na—ikuti na uyanda ku—ikuti na uyanda kucita ceeco, mwabona, mu ciindi ca lubukulusyoy buyo, kwaamba, “Ndi yanda buyo kwaamba kuti, ‘Ndalumba Mwami kuli ceeco Nca ndicitila.’ Wa kandifutula mwiki yainda, alimwi moyo wangu ulapya a bulemu bwa Leza. Kulumba kube kuli Leza,” wa kkala. Amenii! Ncibotu eco, zumanana. Mwabona, eco cili kabotu.

203 Pele cindi waamba kuti, “Lino amuboole. Nguni utobela? Nguni utobela? Lino atu mvwe ijwi, atu mvwe ijwi lya bumboni.”

Lino, ikuti mujisi muswaangano ubikkidwe ambali, wa busiku bumwi bwa ceeco, mwabona, muyo unka ku: “Sunumasiku . . . masiku atobela muli Bwatatu, abusena bwa muswaangano wa mipailo, uyooba muswaangano wa bumboni. Tu yanda bantubonse kubako, alimwi uyooba muswaangano wabumboni.” Elyo mpawo cindi baboola ku—ku busena kupa bumboni, kubala Ijwi, koba a mupailo, elyo mpawo amba, “Lino, twa kaambilizya kuti obu mbusiku bwa bumboni.” Aboobo abalekwe bantu bape bumboni ku oora eelyo na maminiti ali makumi one aosanwe, na maminiti ali makumi otatwe, kufumbwa mbo cibede, elyo mpawo—mpawo kuyakuya mbuli boobo. Mwabona Nce wamba? Elyo Ndi yeeya kuti ciyo gwasya mbunga yanu, ciyo gwasya zintuzyonse, kumaninina, ikuti na mwa cicita nzila eyo.

²⁰⁴ Lino, nca . . . Ndiya bumuka, aboobo . . . Bakwesu—bakwesu, ezi nzya ku bubotu bwa luzibo lwangu. Nda bona eco cili aa moyo wanu, oku nku bubotu bwa luzibo lwangu mibuzyo njo mwabuzya. Lino, kuzwa lino mulizi. Elyo ikuti na casola kuba mu mizeezo yanu, amuboole ku teepu. Amubuzye obo . . . Amuswiilile ku teepu. Ikuti na nca bamadaikona, basyomesi, na kufumbwa mbo babede, ailekwe teepu ilizigwe. Ailekwe ilizigwe ku mbunga okuya ikuti ba yanda kwiimvwa. Yaa. Elyo oko nku—nku bubotu kwa luzibo lwangu ku luyando lwa Leza ku cikombelo eci okuno ku Kagwagwa wa Eighth a Penn, alimwi nje nzila Nje mulailila nywebo bakwesu kuzwidilizya eci kungsi lya busololi bwa Muuya Uusalala, a luse loonse a luyando, kutondezya luzyalo lwanu ku bantu kuti muli Banakristo. Elyo *Munakristo* tacaambi muvwanda oyo ukonzya kutontaikwa kulikoonse, eco caamba “muntu oyo uzwide luyando, pele nekubaboobo, mbuli buyo kuzula luyando lwa Leza mbuli mbwa bedede ku mbunga.” Sa mwabona eco Nce wamba?

²⁰⁵ Sena kuli mubuzyo? I teepu itandila kumana awa, alimwi Ndi jisi muntumwi undilindila kutala okuya. Nciindi nzi nca elede kuba kokuya? [Billy Paul waingula, “Ndyoonya lino.”—Mul.] Ndyoonya lino. Sa uboola okuno lwakwe? [Billy Paul waingula, “Nda unka nkamulete.”] Yaa. Yaa, munene.

²⁰⁶ Lino, Ndi lizi tula zwa lino ikuti na taakwe—taakwe ijwi limbi. Huh? Lino, ikuti na pe, atu mwaikane. Inzya. Iiyi, Mukwesu Collins? [Mukwesu Collins wati, “Inga ncibotu kuti mateepu azimwa.”—Mul.] Yaa. [Kabeela katakwecintu aa teepu.]

²⁰⁷ Ee, bakwesu, Nda lumba kuba kokuno a ndinywe sunumasiku, a Mukwesu Neville, a kuli bamadaikona, a basyomesi, mweendelezi wa cikolo ca Munsondo, oonse wanu. Tula syoma kuti Mwami uyo mugwasya lino kuzwidilizya malailile aya ku Bwami bwa Leza. I kaambo Nce ambila boobu nkaambo kakuti Ndi yeeya kuteeti mwakomena kuzwa ku bana kuya ku bapati. Cindi nimwakali bana, mwakali kwaambaula mbuli bana, alimwi mwakali kumvwisya mbuli bana. Pele lino muli bapati, aboobo atu lilemeke mbuli bapati mu ng’anda ya

Leza, kulilemeka tobeni, a kulemeka maofesi esu, a kulemeka ofesi aimwi. Cipego acimwi Mwami ncaaka tupa, atu cibikke mu malailile, a kulemeka Leza kubelesya zipego zyesu a maofesi esu.

Atu paile.

²⁰⁸ Taata Wakujulu, twa Ku lumba sunumasiku ku kubungana oku antoomwe kwa baalumi ba kabikkwa mu maofesi okuno ku kuzwidilizya ncito ya Mwami eyo izwidilizigwa okuno mu Jeffersonville mu mbungano eyi. Leza, akube kuti janza Lyako libe ali mbabo, akube kuti Uba gwasye aku balongezya. Akube kuti mbunga a bantu bamvwisye a kuziba kuti oku nkwakulondola Bwami bwa Leza, kuteeti tube baalumi bamvwisya a ku ziba Muuya wa Leza, a ku ziba ca ku cita. Ko cipa, Taata. Tu mwaisye lino a zilongezyo Zyako, alimwi akube kuti Muuya Uusalala utu mamele a ku tweenzya, a ku tukwabilila, akube kuti lyoonse tu kajanwe katusyomeka ku mulimo wa bulizi. Mu Zina lya Jesu Kristo, Nda paila. Amen.



MALAILILE AA MBUNGANO TNG63-1226

(Church Order)

MATOBELANWA AA KULILEMEKA, MALAILILE A NJIISYO ZYA MBUNGANO

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa muli Bwane mangolezya, Nalupale 26, 1963, wa Branham Tabernacle iwa muswaangano wamulao wankumu yeendelezya ku Branham Tabernacle mu Jeffersonville, Indiana, U.S.A., wakagusigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2018 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org